

嘉慶直隸太倉州志

直隸太倉州志卷十六

風土

上

風俗者教化之原太倉瀕海崇尚樸儉向有唐魏之風今習染少靡然復古之道持大端不矜小節所謂優而柔之與民宜之也乃若望歲占年課晴問雨以及方言物產之微亦臚於篇俾采風者究心焉志風土

風俗

太倉州

盧熊郡志引隋書言吳中風俗君子尚禮庸庶淳龐故風俗澄清道教隆洽太倉地屬吳郡風俗當亦不殊但

時勢變遷自元海運以來稅家漕戶各以豪侈相尙習染成俗朱長文所謂營棟宇豐庖厨嫁娶喪葬奢厚踰度捐財無益之地厯產不急之務者是誠有之然而昔之所謂尙禮淳龐者在良民則自若也況今學校日新科目輩出土大夫家吉凶由禮風俗之美有未艾者矣本土風俗大約敦本畏刑崇文重恥人性柔蕙遇暴慢多容隱弗較習尙奢汰以華縟相尙士雖貧不親負荷不登酒壚有偶及訟庭者則羣嗤之民服農賈菽游手游食之習城中禮文視他郡獨稱嚴密

士皆重志節好清議少不檢必相非笑大德有虧雖市井亦知詆訶無猖狂跡弛之習亦不因勢利而爲諂屈

媮合之態且安土不遠遊遊亦不至經歲過期不歸則人以爲異

農人最勤而安分四體焦瘁終歲不休若無產者赴逐僱倩受直而賦事抑心殫力謂之忙工少隙則捕魚採薪傭作擔荷不少偷惰婦女亦從事蒔刈桔槔不止餉饁紡織而已也州割自三邑土風亦因而分自城而東距于海其田中中其種宜木棉麻薯其民微重而矜節自南鄉而東距于海其田上中錯其種宜木棉其畜雞魚其樹宜竹其民慄悍而僇急自北鄉而東距于海其田下中錯其種宜木棉其窪者宜稻其畜魚與羊其樹宜木其民濶達而足智

吳志云漢武帝謂古人有言大江以南其人輕心今婁俗人無特操一倡百和隨風旋轉亦輕心之一人士相嘲謂之孛婁風亦曰孛闌風

冠爲古禮久廢不舉婚則視門第及貧富爲奢儉問名則先請女家庚帖卜吉而望媒納采曰小定納徵曰行盤繙紳巨族務爲飾觀糖鴛樹盆繡果綵串璀璨奪目請期曰道日無納吉而有催粧娶不親迎媒爲先容導輿或借用衙仗鼓吹而雜以軍容出閣接親則有整容踏甌諸儀到門則有禮煞跨鞍傳席接寶坐床撒帳諸目次日壻至婦家獻茶納贄謂之望靜按桑悅志謂之轉馬女家以花旗果盒餽女謂之做朝水三朝廟見滿月歸寧縛

節彌加輿僮飫犒其有愛女及貧者贅壻于家或卽受資爲養老或過三朝十二朝攜婦而返名曰捲帳則又以儉廢禮焉

喪禮附身附棺稱家有無惟用僧道十室而九禳殃煞焚紙庫每七日設祭誦經繁費不支或至渴葬更有血湖受生寄庫種種名目荒誕不經謂之功德雖士大夫家亦所不免或過信風水停棺不舉惟知禮者葬如期祭禮合祀有時薦清明夏至中元孟冬朔冬至除夕其專祀則在忌辰有祀及五世者不知僭也寒食後祭掃墳墓焚楮帛鏤色紙爲錢以竹枝插墓間或懸樹上謂之掛墓其祀外神則秋冬報賽之外禳災祈福往往靡

愛斯牲焉紳衿豪族喪葬擇日受弔無賴者相率登門橫索酒食謂之喪蟲如遇喜慶謂之喜蟲稍不遂意叫罵爭擾甚至登桌臥榻滋害不淺前鎮洋縣知縣馮聖世嚴懲治罪責付丐頭收管其弊稍除

貧賤之家無力營葬往者常舉而付之一炬謂之火葬燔棄親骸殊爲慘酷好義紳士捐田設立義塚收葬尸棺漸更澆習近更立代葬局相率捐資以一人司其出納延地師僱土工具畚揭助灰沙有墓者則資其運載無地者咸舁以高原生死均安風斯古矣

鄉俗信鬼神往往多淫祀有假以求食者自稱見鬼名曰淨眼或僞言神降其體妄言禍福曰師娘另有攝召

魂魄與生人問答者曰關亡更有外來僧道婦女假稱治病陰作魔鎮引誘子女尤爲民害

尼姑分占菴廟誘人家小女子削髮近更不務焚修專一做媒作保斂會起愿閨中鍼黹所積往往悉爲所蠹朱子家訓云三姑六婆實淫盜之媒士大夫宜致意

訟師結連衙蠹捕風捉影告訐良懦謂之春狀按張采志春字

義主發生以比延蔓然實曰趁州屬舊染此風倘非長

狀趁者附會陷人猶云乘機也官嚴正狐域潛蹤胥吏輩安能守法奉公鮮把持官府之習乎

鄉民斂錢迎神賽會每於三四月間解黃錢赴玉皇殿及東嶽行宮焚納多扮獵戶喪神間飾女粧乘軒爲陰

傷尤可異者有中軍官及解糧廳名色僭服品級頂帶男女聚觀填衢塞巷殊爲惡習

往者衙役皆衣青衣今身御羅綺妻女列繡裳一箸之費幾當小民終歲餐到門索贈卽計人業產曰幾百錢蓋呼兩爲錢幾百錢幾百兩也往者馳走遠或附舟今則乘轎跨馬一役必五六人朋充曰夥計一人必五六人奔走曰次身又曰兄弟每名本價百金又多縉紳豪僕竄入爲窟安得不橫

按張采志所載當時已有之今則假威煽虐朋比爲奸更甚于

前矣惟在良有司燭其弊而嚴以繩之庶幾此風可熄

舊時棍徒赤手私立牙店曰行霸貧民持物入市不許私自交易橫主價值肆意勒索名曰用錢今則花布柴

米紗繒下及糞田之屬皆有牙行類皆領帖開張悉照市價主其交易惟用錢之名由舊

奴僕中有家生子者謂之竈養州人最賤之然或主勢衰而奴勢盛遂有恃強負固不聽服役者顧當其投靠之時意在狐假虎威及伊主式微則又甘心反噬此等惡俗實關名分甚至有侈飾輿從儼然自廁衣冠之列彼利其所有者且與之曲意周旋吾不知其何所底止矣

不逞之徒於曠野搭臺斂錢演戲苛派出資稍不遂意則羣毆之必輸助而後已名曰斂頭近有無耻棍徒糾率少婦演習種種俚歌淫態謂之花鼓戲乘間設立寶

工部
卷一
場抽頭分用淫奔爬竊雜出其間爲害甚烈一有舉發
卽行颺去知州鰲圖密拿痛懲此風遂熄

風俗之害首禁淫賭州民素嚴閭閻野遊勤紡織無
倚門却立之習惟賭風未戢舊志云撲八叉者入國
朝寂然惟鬪紙牌曰馬弔後又易小紙牌曰游和又易
爲幻和曰翻百勞今更易曰骨牌點子名片片錦擲骰
者始于花園令易而爲丁拐爲叫九爲跳猴爲通傾趕
老羊雍正年間忽興壓寶富主家曰寶場羣小蟻集盜
賊竄藏屢經密訪嚴拏稍爲斂戢

游手無賴更有於秋間聚衆設局爲鬪蟋蟀之戲謂之
開牖搗盒者絡繹于道以紙花爲籌標決勝負與賭無

二至冬又易爲關鵠鶉謂之開園廢時失業弊亦如之
腳夫土工私分地界把持壟斷遇有婚喪之家勒索僱
值婪詐酒食不饜不休藉稱當官值日不許主家另行
僱募鄉鎮皆然城中尤橫前鎮洋縣知縣馮聖世因庠
生浦蘭楫爲腳夫爭值肆毆因通詳勒碑禁革於乾隆
四十九年三月十六日立石顧碑在茜涇州境未能盡
曉且日久法弛尤宜預防其漸

清盜有源小盜者大盜之漸捕快者小盜之主捕快私
納盜賄聽其作賊名曰放線捕快得賊不卽解訊私自
拷弔或受指誣扳殷實而懦弱者多營賄買脫一爲盜
指立可破家故婁人以賊扳勝賊劫畏捕勝畏賊

案張采志

所載捕快有盜冊其受納盜賄尚有買季錢年
例錢及買放等名目比來查禁嚴密此弊稍革

案張采志所稱訪行罡會烏龍會投獻并釘扛擡打搶
連名具呈賴婚撤茶一切敝俗皆明季惡習今雖風移
俗易不可不防其漸

昔明道論政以風俗爲根本蓋上以之爲風者下卽以
之爲俗志土風者豈不欲播揚嘉美宣述淳懿惟是仁
里本難比屋末俗豈少莠民慕義嚮風誠當使之觀感
而式化州境僻處海隅自明季侈靡競之習起而薰
藉異尚除革爲難我國家百五十餘年教澤涵濡深
仁翔洽賢有司後先相繼滌惡進良已非一日然循化
爲難下流甚易要惟在賢牧守隨時整飭有犯必懲而

已

鎮洋縣

傳稱百里不同風千里不同俗鎮邑同城而治無庸分敘惟東南鄉一帶慄悍性成輕生好鬪故命案視州爲較多

邑通婁江故外來船最難稽察大約漁船則多盜火石竹器船則多竊丐船則多藥迷小兒雍正年間知縣陶士俛曾查獲折割小兒丐船痛懲之民頌德焉

縣境河渠半通海道而劉家河一帶商艘雲集尤易藏奸前弊外尙有夾帶私鹽沿海奸民藉以牟利深爲官引之害向有販米出洋者皆宜加意巡緝

嘉定縣

嘉定風氣沉厚其君子務讀書行義以古人爲師縉紳
世胄自昔尊德尙行重廉耻而畏名義雖登科目躋華
要退然與布衣齒不侈輿從不漁田產以清節自立明
中葉以降漸樹門戶然率以文章氣節相砥礪引掖後
進爲功桑梓入國朝後通仕籍者相望咸宗法前輩
無玷鄉評

閨範極嚴俗嗤豔冶地少遊觀雖富家巨族咸習紡織
中下之戶藉女紅以佐薪水尤重名義夫亡不再嫁單
門蓬戶亦多苦守

邑地斥鹵而磽故俗嗇而民纖無錦綺柔麗之玩獨以

土宜木棉比戶紡織機杼之聲相聞也

主僕名分極嚴貧窮鬻身者衣食婚配悉仰給家主累世服役若倚勢投靠不久颺去耳

腳夫結夥樂人聚黨於城鎮坊巷各分段界搬運必索倍值婚喪定勒厚犒有自運及別僱者成羣阻鬧其弊與州境相同此風不可漸長

異姓篡宗律有明條邑俗往往育他姓子爲後名曰過房甫生撫育者名曰血抱亦有以贅壻爲子者棄置嫡屬致啟爭端是在司牧者漸次轉移之亦實教民敦睦之要道也

寶山縣

地處海濱民安儉嗇躬耕之家仍紡棉織布抱布易銀以輸正賦婦女不聯宴會不事華粧自名門望族及中產之家皆然

健訟之風大半起于田土夫時值有貴賤歲月有遠近價賤而添年近而贖亦恆情也乃有田價已足歲月已遠刁徒動以侵占爲名至鄉民謹愿者多訟師煽之口角微嫌旋成大訟糾連不已往往兩敗俱傷

棍徒窺有少艾孀婦則賄誘其遠族私立婚書糾結黨夥昏夜破門而入挾婦登輿不問其從與否謂之扛孀或有宿憤者乘花禾方長糾衆刈割青野如洗謂之撒青律例本有明條惟在長吏嚴懲重治以儆無良

民多尙拳勇什伯爲徒各分黨翼凡細事相爭逞其膂力持械角鬪名曰打降此皆瀕海惡習當嚴加洗滌者也

崇明縣

崇明越在海表其土風古其性勅其人馴擾

邑四面環海小民服田而外半業漁樵每于春汎往南洋捕石首魚北洋捕魴魚總名春熟秋冬則下蕩樵柴名曰柴汎此二者冒危險履泥塗生涯之苦較農爲甚士子多閉戶讀書不喜馳騫小民雖貧窶亦經營自立不屑投靠勢家

崇邑腹地舟楫不通多以小車捆載間關之聲不絕于

耳風沙撲面略如北地

民居多草房稍有睚眦卽行放火謂之紅雄雞或將田中花稻罄刈一空謂之撇青皆黑夜爲之其或遇歲祲則有白晝糾黨持券入富室坐索錢米名曰圈借一遇此等宜立寘重典

健訟之風崇邑爲尤甚往往以僞狀越控上司株連殷實及懦怯者隔屬提解經年不結多致身家立燼者喪家作佛事薦亡名曰作功果祇以赴應沙門一二人主壇其餘皆有家室者從之有燒腳伴偈佛總諸號外有自名陰陽生者齊集喪家設立種種名色科派錢財連宵併晝喧闐不已如不作此里黨且非笑之所當先

於紳士之家及富商舊族申戒以浮屠之虛妄教以家禮之宜遵不惟善俗兼可節費

節序

太倉州

鎮洋附

正月元旦五鼓州牧率僚屬詣西城海寧寺設行幄

羣望闕朝賀民間夙興盛服具香燭列拜天地宗祠

懸祖先影像於堂藝炭圍爐雜燒柏葉蒼朮辟瘟丹等

謂之旺盆尊卑長幼以次稱壽畢出賀戚里雜遯數日

謂之拜年

近不晉接惟設紙筆硯于門客書名去或自書片紙投之

家具飲食相欸

留謂之年酒又用砂煬虛豆或置豆飯中謂之有投湊

門垂簾箔不張市肆不汲水謂之封井不乞火不灑掃

三日後始復五日市賈祀財神開市

立春前一日州牧率僚屬具儀仗迎春于東郊祀勾芒神以紙及土爲春牛像士女縱觀填塞衢巷立春日鞭春牛農夫爭取春牛土置床下曰利田蠶以麵作捲餅置碗中食之謂碗裏扼春餅言得利便也十四日以糯穀或御麥子爆釜中名享婁又名卜流自老及幼爆之以卜一歲之休咎故又謂之米花卜十五日元宵預取竹竿交立通衢懸柏枝結棚於十三試燈是日張布幔列羅綺白晝游觀謂之看綵色夜擊鑼鼓曰鬧元宵放花爆及烟火謂之挑竿

附梅堯詩建木高三丈營梯壘九層火中馳甲馬烟際出花燈

吾厭機心過人誇匠手能移時惟一笑世事幾堪憑

好事者遜俊童扮演故事或

爲漁婆採茶以金鼓導從誇多鬪靡分社爭勝名曰走

燈至十八日以後方撤

近時燈社至正月下旬始集故有太倉燈二月興之號

屑

米粉爲丸曰繭團煎油餅曰油飽戚屬相餽遺爲節食

縛草把燃田畔謂之照田蠶十六夜婦媼率子女歷三

橋

其三橋在州署東曰太平曰吉利曰安樂

云走三橋免百病故又謂之走

百病

附陸伸詩細娘分付後庭雞不到天明莫浪啼走偏三橋燈已落却嫌羅襪污春泥周素詩快遊連

袂共逍遙戶戶張燈不用挑風月三橋行處好喜儂先

過太平橋又高館飛揚酒政頻撒筵虔請九姑神驟聞

簾外譁聲至十取蘆葦九節者擘作兩半令小女子持

丈蟠龍燈火新兩頭夜深於門外迎九姑卜休咎謂之九節姑娘

二月二日以紅紙條書二月二蜚蚰蜈蚣倒入地黏壁上云辟百毒十二日爲花朝以綵綃或紅紙條繫花樹

上謂之賞紅

按風土記以二月十五爲花朝八月十五爲月夕十二日乃花神誕辰非花朝也然

考楊誠齋詩話東京以二月十二日爲花朝其來舊矣

三月三日上巳簪薺花

諺云三春戴薺花桃李羞繁華

蓋取歲豐則甘

草先生之義寒食節搗穉麥葉汁搜米粉作團食謂之

青團子卽古青飀飀遺意清明插柳于戶或簪于髻

諺云

清明不戴柳紅顏成皓首

家祀祖先必設鱸殘魚食螺螄金花菜曰

明目士女出祭墓曰上墳以紙錢標樹上曰掛墓是日

州牧率屬祭厲壇迎城隍神監祭先是鄉民抱疾者許

愿爲枷犯以禳之率於是日荷校導行多以數百計男

女溷雜二十八日爲東嶽天齊帝誕辰廟在璜涇鎮士

女燒香者填塞道路鄉城扮神會納楮帛多傅粉墨爲

喪神像鳴金鼓以衛之曰解黃錢

四月八日浮屠傳爲釋迦誕辰舁銅佛浴以香水募化金錢曰浴佛會出藏經曝日中婦嫗相率手遞一過謂之傳經立夏日採嫩麥蒸磨作細條食之謂之麥蠶兼

食新蠶豆櫻桃梅子之屬謂之櫻桃九熟

諺云麥蠶蠶豆麥菩提漸

茶新笋郁婆薑梅子合成芽穀餅櫻桃九熟報君知

五月五日端午古謂之天中節是日日行天中黃道人

家競以筇插庭中驗日影道流畫天師符送人家黏棟戶上以辟邪兒女或佩絨線彩符謂之背符繫五色線於男左女右臂上曰長壽線卽續命絲意製繭虎簪于髻以艾和菖蒲棟枝懸門上食角黍飲雄黃酒爭市石

首魚烹食俗稱黃魚雖貧家不廢收百草陰乾以備藥材土人飾龍舟張綵旗鳴金鼓聚西門外男女夾岸簷舟宴賞以酒瓶及生鴨投水中舟人爭入水攫取爲豪

三十年前尙有此風今生計日隘久不復覩此矣

芒種後遇壬爲黃梅家蓄雨

水烹茶凡衣物移置高閣則不蒸黧夏至日以蠶豆赤豆及小麥和米煮粥互相餽遺謂之夏至粥亦曰夏健

戒坐戶檻云犯之得疰夏症

一云忌立夏日

六月初四十四二十四三日以蔬果及麵餅祀竈神初六日曝衣物書籍辟蠹食餽餽

七月立秋日食瓜飲新汲水云可免瘡痢七夕洩麵簇花入油煎之曰巧兒童設瓜果爲乞巧會婦女對月穿

鍼搗鳳仙花染指甲猩紅悅目故呼鳳仙爲指甲花城

南村民釀錢祭織女廟占歲豐歉按織女廟在黃姑村相傳牽牛織女二星

降其地詳古蹟志十五日爲中元節祀先多用素食薦餽飽僧

舍爲盂蘭盆會仍薦厲壇如清明儀案盧熊蘇州府志七月十五日僧舍

悉預齋供俾人薦亡謂之盂蘭盆會康熙年間郡守王公怪其不經作文禁之而州民尙佛羹飯必設素餚云

祖宗不茹葷當往觀盂蘭盆會也三十日爲地藏王生日家燃幽冥燈

鄉民羣捧香花幡蓋至西門外興福寺中拈香謂之拜

夜香

八月一日取露和墨點小兒額間以祛百病曰天灸十

五日爲中秋節設瓜果月餅于庭焚香竟夕不寐謂之

燒夜香十八日相傳爲潮頭生日集張涇觀潮案張涇觀潮爲

滄江八景之一今久不舉間有買舟至九里橋流連竟日蓋其地名三江口實婁江故道云

九月九日爲重陽節嘗新酒採菊花供之染粉爲紅黃色相間作糕謂之重陽糕按宋人食譜謂之米錦羣集梵鐘禪院

登樓擊鐘謂之登高

十月一日名燒衣節家屑糯米爲團以祀祖先展墓祭厲壇如清明儀是日不問寒燠多熾炭于堂曰開爐上旬曰釀酒藏之經久不壞名十月白

十一月冬至官屬望

闕朝賀如元旦儀

昔時亦有往來賀節者今

廢和糖粉爲花糕親朋餽送里黨會飲名分冬酒

按桑悅黃

與堅兩志俱載此今亦久廢不舉

冬至後第三戌爲臘春一歲糧藏諸

廩經久不蛀名冬春米取臘水釀酒煮熟藏之色如琥

瑯名狀元紅

十二月八日以薑菜雜果和豆米爲粥謂之臘八粥

宋人

食譜謂之
法王蝌蚪

丐者戴紙冠塗面扮傩逐疫謂之跳竈王二

十四日縛箒拂梁柱間塵是夜以糖餅祀竈焚燈具拜

送二十五日食赤豆粥以辟瘟長幼卑賤必遍謂之口

數粥

按此亦久
廢不舉

是日俗傳諸佛下降持齋戒殺至夜燃

火盆于門外謂之燒生盆今惟除夕行之

附范成大
盆行春前五

日初更後排門燃火如晴晝大家薪乾勝豆蕪小家帶

葉燒生柴青烟滿城天半白棲鳥驚啼飛格磔兒孫回

看雞犬忙憐曲歡笑遙相望黃宮氣應纔兩月歲陰除

猶驕風栗烈將迎豔陽作好春正要火盆生煖熱除

夕祀土神井泉財神之屬謂之完年禮亦曰完太平插

柏枝冬青芝蔴其于簷端封井不汲儲水宿火以竹籃

直隸大興縣志卷之六風土上節序

正統九年州志卷之六
盛石灰印地上名白米囤換貼門神春聯放爆竹燒炭
燃辟瘟丹蒼术每門倚長炭曰撐門炭亦曰炭將軍圍
爐至曙曰守歲中夜祀竈迎竈神曰接竈

嘉定縣

興州同

寶山縣

正月初四日設粉餌祀竈名曰接竈新春宴集以春餅
爲上供十五日元宵造麵繭形正如蠶繭蒸之餡內占
水旱卜流年休咎 三月二十八日東嶽誕辰行宮在
江灣鎮者最盛清明前後十餘日士女拈香載路樓船
野舫溪河爲塞 臘月爲敲金瓶之祝以逐疫

崇明縣

迎春日啖春餅春糖男婦爭以手摸春牛謂占新春造化 四月初八日浴佛居民徧走閭巷送糖豆小兒食之云可稀痘 小滿種棉花農家言小滿前十日不爲早後十日不爲遲北洋打鯊魚者悉於此時下洋 端午日以綵線繫葫蘆于小兒臂上云辟夏瘧 六月六日用麵作餅中實以肉名曰油攤 立秋日農家將青竹夾雲馬紙符遍插田間名曰秋標子醮錢作青苗齋卽古方社遺意 七夕對月穿鍼藏蜘蛛于盒晨起視之其絲清且理者謂之得巧

直隸太倉州志卷十六

直隸太倉州志

卷十六

三

生員

陸錫瑞
俞時懋

仝校

壬則梅高五尺十日遇壬則梅高一丈皮物高下過此則不蒸斂立梅日雨主陰諺云雨打黃梅頭四十五日少日頭梅時得西南風主三時多雨諺云梅裏西南時裏霽霽梅後十五日爲入時初雨爲迎時末雨爲送時諺云高出只怕迎時雨低田只怕送三時蓋初時雨則旱末時雨則潦也若中時而雷謂之腰報亦主水諺云中時腰報沒低田大約三時喜得雨歲時樂事云三時有雨田家以爲甘澤邑里相賀名曰嘉雨

五月朔日爲早禾本命日尤忌雨夏至日晴則暑不大

酷諺云夏至有雲三伏熱

一作有風一作西逢未知孰是

月內忌甲申

乙酉日雨主大水諺云甲申猶是可乙酉怕煞我十三

日爲關帝誕辰有雨俗謂之磨刀水解疫厲二十日爲
大分龍日諺云二十分龍念一雨水車擱在閭堂裏如
有虹見則旱諺云二十分龍念一音吼俗謂虹也黃秧

便種豆二十三日謂之回龍有雨則旱諺云念三落子

回龍雨一百念日曬龍衣分龍後雨多不徧俗呼過雲

雨諺云夏雨隔田晴又云夏雨分牛脊土人以九九識

寒暄之節其在夏至後者謂之熱九諺云一九二九扇

子不離手三九二十七冷水甜如蜜四九三十六汗出

如洗浴五九四十五行人隨路宿一作樹頭黃葉舞六九五十

四乘涼入佛寺七九六十三床頭尋被單八九七十二

思量蓋夾被九九八十一家家打炭墜音吉謂寒備也

六月初忌雨諺云初一落雨井泉枯初二落雨井泉浮

音符初三落雨連太湖初三日雨又謂之爺爺陣諺云六

月初三起子爺爺陣陣風涼到立秋小暑日雨謂之

倒黃梅主半月陰濕若是西南風張采志作東南風及成片白

雲起謂之趙趙風主久晴按蘇軾詩三時已斷黃梅雨萬里初來白棹風即此三

伏宜熱諺云六月弗熱五穀弗結又云人勒岸上躡稻

勒田裏長躡存養切謂畏熱而不安其室也長去聲立秋日忌雷諺云秋李

鹿收粃穀舊志作損萬斛如有虹見爲天收雖大稔亦減數諺

云秋前翼翼下來秋後翼翼上去吳音呼虹爲翼音近

耗故云虹見則物耗處暑日喜雨諺云處暑若還天不

雨縱然結實也無收白露日雨主歉諺云白露雨到一

處壞一處又曰白露前是雨白露後是鬼立秋白露在
奇日爲雄在偶日爲雌俗以雌雄相配爲稔

中秋有月主來歲元宵之晴諺云八月十五雲遮月來
歲元宵雨打燈秋分在社日前則田有收而穀賤後則
無收而穀貴諺云分後社白米徧天下社後分白米如
錦墩歲時廣記云秋分在社前斗米換斗錢秋分在社
後斗米換斗豆八月十二日爲鹽生日十三日爲溲生
日雨則鹽貴二十四日爲稻藁生日雨則薪貴俗言上
午雨竈上荒謂米貴下午雨竈下荒謂薪貴八月露下而雨
謂之淋露雨九月霜降而雲謂之護霜雲又稻秀時怕
風風則多糝諺云稻秀只怕風來擺麥秀只怕雨來淋

九月九日晴主一冬無雨諺云重陽無雨一冬晴霜降
日宜見霜諺云霜降見霜米爛陳倉如先期而霜則米
貴諺云未霜見霜糶米人像霸王十三日爲稻籬生日
按金鴻志謂
釘靴生日晴則久晴諺云九月十三日晴釘靴掛斷
繩十三日晴弗如十四靈二十七日謂之種風根南風
主冬煖

十月朔晴主少寒二十三日喜晚晴占來歲木棉諺云
看花星過度是月聞雷多雨諺云十月雷路白雨來催
十一月十七爲彌陀生日忌南風諺云吹我面有米總
不賤吹我背無米總不貴冬至前寒則冬後暖諺云冬
前弗見冰冬後凍煞人冬至前米價喜長諺云冬前米

價長窮人倒好養冬前米價落貧家越蕭索冬至後謂之冷九如頭九有雨雪則每九皆然又云頭九雪花飛九九鵲鵲啼頭九鵲鵲啼九九雪花飛鵲鵲謂晴暖也冷九諺云一九二九相見弗出手三九二十七籬頭吹簫簾四九三十六夜眠如露宿五九四十五窮漢街頭舞六九五十四地裏報蘆刺七九六十三布衲兩頭擔八九七十二貓狗討陰地九九八十一犁耙一齊出冬至後逢第三戌爲臘臘前得三番雪則麥有收諺云要宜麥見三白又云臘雪是被春雪是鬼又主來年豐殺蝗蟲子諺云一寸雪入地一尺一尺雪入地一丈臘後雷謂之臘底報主來年豐立春在殘年則冬暖諺云

雨春夾一冬無衣暖烘烘除夜安靜主吉諺云除夜犬
不吠新年無疫厲

朝霞主雨晚霞主晴諺云朝霞不出市夜霞走千里唐
詩朝霞晴作雨又報雨早霞生是也如早晚有霞主久
晴諺云朝霞夜霞無水燒茶日落有雲脚主雨諺云烏
雲接日頭天亮雨悠悠如有雲無脚主晴諺云日打洞
明朝曬得背皮痛如落日時紅紫色主雨諺云日沒騰
腮紅明日雨兼風朝喜中天無雲夜喜四脚無雲皆主
晴諺云朝看天頂穿夜看四角懸夏日早霧主晴諺云
山河海幔曬殺老鸛又云春霧雨夏霧熱秋霧涼風冬
霧雪

初三夜月占陰晴諺云月如仰瓦不来自下月如掛弓
少雨多風晚雨卽晴主明日復雨諺云明星照爛地天
亮落弗及

及俗呼
如忌

人知潮隨月不知風亦隨潮每日潮生時雖晴和必有
微風起朔望潮大信則風猛七月望八月朔尤猛稻初
秀者遇之則粃木棉初結鈴則脫無遺土人謂颶風爲
風潮潮以朔望爲大信餘爲小信不甚盈亦不甚縮若
大信極盈亦極縮

州人畏風潮以州南有高家嘴入海百餘里風勢阻潮
入內地此患多在七八月間風自一面來尙可支若反
風則禾棉大壞潮退後陰雲尙可支若杲日則水如熱

湯其害更酷

州去蘇郡百里生物每遲旬日以近海氣寒也濱海數里霜氣更微爲水氣所薄也若洞庭之霜少宜橘亦太湖之水氣使然耳

九頭鳥夜鳴如鬼出則必有風潮土人切畏之此鳥穴海沙先風數日海已作勢不安其穴而出諺云出窠風進窠雨俗謂有九頭然亦晝飛數十爲羣如雁列約畧如常鳥意九頭乃鴛鴦之轉音耳

按農既專力用心自精占測氣候詳密多驗由元旦至歲暮凡風雲陽雨之變早潦豐歉之兆咸以口訣韻語出之彙類極繁畧記于右

方言

太倉州

利市

見易經謂得財也

指望

見梁書期預也

哉

已然之詞如來哉去哉之類見經

那

語助聲音乃賀反

數說

責人也左傳乃執子商而數之

糝

語事不實也國

鹽

去聲以離醃物也見禮記

月半

見禮記

械數

謂執變見荀子

櫓

櫓用力

貌

見莊子糝又作散義如糝鹽糝沙之類

昭

美隕切兩

俗稱

脂縫又作散義如糝鹽糝沙之類

歡喜

史記民得

百姓

見莊子

史記蒯通曰臣范陽百姓

捷

以肩承物也見史記

以手執人

曰

左傳呼州人曰百姓

貪縱為非曰放手

後漢書曰殘吏放手

條悅之

繫為

蘇頭若流然以其繫下垂故曰蘇尾垂之

錢之美者曰

黃換

漢武帝造白金三品一曰白撰錢乃銅鑄見漢書食貨志故俗呼黃換

葺理整齊

為修姘

音捉唐中和二年修姘部伍

語尾綴且

音嗟語助聲詩彼留子且

含

糊唐顏杲卿 暗塗 謂新腫聲 幡布 晉人云不見酒

抹布船家則曰展布 假利 謂機巧者曰假利 鄉手

忌與翻沒同聲也 如華安當御者投之以銀著于左手

記鄭康成詩箋后妃事無大小記以成法今男子所著

曰戒指女 面孔 唐傳信記面 急須 沈括忘懷錄行

子園雜記 注飲 捷力展切胡孫 何遠為武目太守以

器謂溺器也 捷水 寒毛 晉書問君之言 甌 魏毳果獨居

多許 俗呼許為黑可切 隋書天下何 蘆葦 葦蓆也

棉絮 俗呼衣時棉花過世 俗呼人死為過世 謂來世

活計 謂治生理者唐白居易 中飯 午餐曰中飯 唐詩

眠姪 眠莫典切 姪徒典切 俗謂不 荒唐 見莊子 也

日子 也逐日計數 抽替 謂櫃之有板 温暾 微暖曰温

直隸太倉州志 卷十七 風土 方言 八

不委曲也
見唐書
麩炭
學菴筆記
生活
做事也
家生

子山凡徒人奴婢所生子曰家生子漢書免驪
勃率短而行步

鏤鏤勃率上金隄
落度音鐸疎畧之意俗呼人不管事者曰落度蟲
宋書元超兄

啓晝雨晝止也啓音牽去聲楊慎曰雨而晝見日日啓

導與子圍棋爭道導笑曰
相與有瓜葛那得爾耶
弄俗呼小兒曰弄亦作衙見南史襍襍

俗呼人姓呆劣者曰禿禿音如賴獸古樂府今世禿禿子

磨鎔磨鎔俗呼如異物平磨耗也見史記平

準書
耳邊風
謂聆言不省也唐杜荀鶴詩萬般無染耳邊風
鶻突
俗以瞢瞢不曉事曰

鶴突見朱
子語錄
彭亨
俗稱腹脹曰彭亨亨從陽韻唐
韓愈石鼎聯句豕腹脹彭亨
飛

風唐制馬入上乘局者印以三花其餘雜馬于右子
 膊印飛于右膊印風字俗以疾速爲飛風本此子

細唐杜甫詩野
僑分
子細
瓦刺骨女之不正者曰瓦刺骨轉其

音如歪 雜種俗罵小兒之桀猾者曰雜眼孔淺呼

瀨姑 雜種晉書前燕紀蠱茲雜種 眼孔淺

見物生羨曰眼孔淺與錢十萬貫塞破屋于矣 姻嫪

上曰措大眼孔嫪嫪按士之 蚰伴人眾相隨曰蚰伴蚰

妓稱游婿曰嫪嫪本此 蚰伴人眾相隨曰蚰伴蚰

無行者曰嫪嫪毒物色 蚰婆謂老婦曰蚰婆蚰音虔

徵顯濕氣蒸物色 蚰婆謂老婦曰蚰婆蚰音虔

出謂一番也世說林道人云今日發滑澆日打滑澆唐

皮日休苦雨詩 白衣人制士子入試皆白衣語本此

蘇地滑澆足 流落俗謂人漂流在外曰流

經紀俗鄙人營生者 流落俗謂人漂流在外曰流

習慣子習慣如自然賈耐可俗呼寧可日耐可唐李

如天花板藻井也山房隨筆元好 墨尿猶預不前曰

能尿列墨 伯儼音如滋膩謂人進退不果 兒為倪

尿單至 伯儼也司馬相如賦乞以伯儼 兒為倪

漢兒寬 又與異同死與洗同 詩猶來無死 爭為側

亦然 又與異同死與洗同 詩猶來無死 爭為側

直隸太倉州志 卷十七 風土 九

反羊吉

以上方言近古者

看曰張曰望曰睭 執曰當去聲 兩手曰掇 卧曰困

藏曰囤 移曰捅音統 誇曰賣弄 忍曰熬 按曰

揜音慶 轉曰趺 助曰帮 妄語曰趙 積物曰頓

避曰躲曰叛 得利曰賺 巧曰搜搜曰尖鑽 苛細

曰氈氈音兜搭 能曰張主 弱曰羸羸 機變曰乖曰

唧溜、無著落曰魍魎 一番曰一潑有几番曰頭潑

二潑 已往曰過頭 熱物曰頓 熱酒曰湯去聲 遮

攔曰攔 貯物曰坐 蓋曰匭 滿足曰殼 浮曰余

音吞上聲 流曰淌 帛薄曰澆 瀉曰篩 稠曰網 疎

曰稀 首飾曰頭面 鞋曰腳手 衣曰身命 器曰

家生 物曰牢曹 住處曰窠座 夾室曰落葉 屋

旁曰山頭 階磴曰礪礪 斷港曰浜 筴曰快 女

人拜曰屈去聲 戲謔曰頑曰抄曰搜東北鄉曰潰 閉

遊曰白相亦曰闖 手記曰巾 子女曰大細 男曰

囡音媛 平聲 女曰囡音媛 去聲 奴曰猴子 婢曰丫頭 妾

曰姪娘 內姊妹之夫曰聯襟 謂人之僕曰鼻頭

隨母再嫁者曰他俗呼如 拖油瓶有名 猷謂之猷 呆謂之

度入聲 媚于人者曰篋片 拙于逢時曰秋 富人曰

財主曰從容 不循理曰蠻門 事難理曰累墜又爲

傻兇 誘人成事曰撿掇 不認曰賴 償物曰賠

習聲歌者曰清客

作事無據曰沒雕當

入聲

好爲張

大曰擺架子

眼作細縫曰買斜

音滿妻

目脂曰眼眇

體肥曰胖

體瘦曰清減

不豪爽曰敢懸

音練簡

糾纏曰嚙咬

悔心曰懊憹

犯上曰衝撞

事煩瑣

曰糝細

物穢曰塵糟

積穢曰垃圾

音勒塞

衣服破

曰襖襖

袖籠手曰相籠鬆

太甚曰忒煞

物不中

程曰殞殞頭

物不適用曰呆剩貨

物下垂曰離提

音如

不滿人意曰促恰

物不鮮潤曰乾癯

膩曰醜

醜

托他人名以取物曰頂泛供

音羹

據地行曰蹇

細行曰跣

音色

相觸曰碰

倚物曰戳

提物曰拎

擲物曰殿

音真

亦曰攢

手扳曰扞

音岩入聲

手握曰掇

音尊

瓜掐曰杓

音的

去涕曰擤

音很

平曰戥子

酒壺曰

注子

蟋蟀曰賺績

杓曰調羹

物已賣再賣曰樓

上樓

霧曰迷路

豕曰獾獾

少曰零星

全曰薏

當

整物使潔曰撒打

犁曰鐵箭

鋤曰耜頭

針

曰引線

髻曰纂

裝潢曰裱稍

筐曰籃

舂米曰

碓 醋曰秀才

淨花曰縛子

賣買曰生意

虹曰

贅 團曰圩

認曰紹 授為胄

江為岡瘡為瘡

泰為忒

水為暑

霞為華

厲為賴

積為際

如柴際之

類

癩為癖

音臘

愈為越

揭為傑

團為突樂

孔

為窟籠

圈為屈攣

精為卽零

壺為葫蘆

餽饌

曰波波

今俗又呼饅饅

暑鬼為舉

大為情

二為膩

歸

龜爲居 姊爲姐 緣爲沿 姥爲媽 格爲閣 規

爲捏 懣爲悶 盤搏爲剝 浦爲步爲埠 者爲這

核桃爲胡桃 么邪爲歪 熨斗爲雲斗 玷爲店

尺爲察 赤拆亦爲察 烹庚更彭朋棚育爭錚撐

生聲行橫羨坑並陽韻 石白百伯宅格客額擇迫拍

陌麥嚇魄並藥韻 梗養韻晏翰韻

以上方言通俗者

鎮洋縣

明魏良輔居邑之南城善聲律轉音若絲時張小泉季敬坡戴梅葉包郎郎之屬爭師事之而良輔自謂不如過百戶雲適每有得乃必請過稱善乃行有曲律二十

則邑進士張新取其本偕趙瞻雲雷敷民輩傳板度節
謂之南馬頭曲老工伎師習爲清唱而南門方言往往
呼練翰等韻合於絳漾謂之南門字雖同城者至用相
嘲焉

餘與
州同

嘉定縣

古稱三儂之地謂自稱曰我儂稱人曰你儂謂他人曰
渠儂也時俗稱謂與州境畧同惟音節稍帶南音至于
清濁之異則隨人性而殊

寶山縣

與嘉定同

崇明縣

邑舊隸揚州故以蘇郡爲江南今猶相沿不改 稱人

雜曰三州七縣亦以隸揚州故相仍 栽秧者謂之蒔
秧相公養生故重之 舵工謂之老大則一船之司命
也 體寒而震謂之扈竹抖 自稱曰儂亦曰壯 走
曰躐其餘悉同
按方言之辯原爲官斯土者聽訟而設人情之真僞事
物之繁賾胥于是乎在苟言語不通聽辭者曷賴焉釋
方言所以通婁于天下也州屬僻在海隅尤多俚俗之
語採諸舊志綴以近聞非謂委巷叢談遂無關乎政治
也

物產

太倉州

穀之屬

雀不知

諸稻未熟此先登場故名
種宜沙土沿海多種之

秋前割

六月白

紅

上六種皆早香

哽煞雞

陳家稻
粒大
結實

羊脂糯

香小可而愛長

旱稻稔者
白色

糯者紫黑色北方高仰處多有之
 建安人爲汝州魯山令邑多苦旱乃從建安取旱稻種

耐旱而繁實且可久蓄高原種之歲歲足食種法力率如種麥治地畢預浸一宿然後打潭下子用稻草灰和水澆之每畝草一次澆水一次至於三卽秀矣張采

志云州地高仰又水利不修若覓得旱稻種給佃人治
岡身地畝收半黃豆卽飯豆種黑豆大小羊眼

主眼

豆 扁黃中有黑 僧衣豆 一名沙仁 香珠豆 色黑

茨菰青 牛踏扁 粒大 茅柴團 莢短 莢莢三 最粒

細 穠豆 料馬 扁豆 種類頗多惟純白色者 菜豆

草裏菜豆 赤豆 刀豆 嫩時連莢醬 豇豆 赤白

豆 俗呼寒豆出雙鳳鎮 豌豆 二種

麥 大麥 番麥 有夏秋 蘆稗

薏苡 芝蔴 有黑白二種黑

貨之屬 食物

木棉 本名吉貝出林邑國三四月下種莖弱如蔓其高

中有白綿俗名棉花亦有紫色紫綿者元至正間始傳

此種太倉岡身地仰三分宜稍七分宜花故有稻租之

通商利用以此為最 沙頭大布 四尺出噴溼者名狹

長尺寸 飛花布 最爲輕細婦女染裁 棉紗 木棉乳

名縳子婦女彈作條紡之松江織 夏布 一名芋布

戶咸來採販其價視粗細爲貴賤 有之未漂者曰草色又曰小清水漂藤既白而織者曰

機白織成而蒸曝極白者曰洗白但漂諸水使色白者

曰漂白攤布草上浥水日曬之使白者曰曬白其最細

客者曰勤着 附邵弁漂麻詞婁江三月飛桃花婁城

女兒爭漂麻江明水清花氣軟和風麗日淘纖瑕日高

五丈盡臨水日斜女伴催還家低鬟轉睇水中影似惜

紅顏付流鏡翠浪微搖金雀寒皓腕徐施玉光淨冰綃

挽出鮫人室一片含風素秋冷仙機裁舞衣迴颺

急雪當庭飛 口芋舞白兒霓裳入破天 官板布 真

下稀曲罷纏 賜錦誰識辛勤寒女 出徐王廟 芋經布 以棉紗緯之 紫花布 以紫花紡

者爲佳 縳細密可製 蒲包 用以芋本棉者 無名異 性極燥

以代爐底出大北 提琴三絃 州以絃索著名故二器

門外他方不可得 伯通者尤精今京省習 白紙扇 向來自蘇杭二郡今

是業者猶問太倉師法 直隸太倉州志 卷十七 風土 物產 西

青雕花各種
俱極精雅
弓州錯居兩首推鎮江次太倉今習是

業者
漸少
雕玉器
凡玉器用砂礪州人陸子同者用烟

火巧俗名挑竿州以工不及
麥柴燈邑人顧後山所製精巧

者
銀鈎蝦米
味鮮他產出莕涇白
酒有十月白菜

等名王世貞詩序云白酒出自家鄉以草葉釀成斗
米得三十號就置壁前一月後出之味極香潤甘美

風雞為邑佳產
太師餅
酥糖
寸糖
出沙
米花

糖出直
槽油
色味俱
麥釐
取嫩麥蒸磨為之立夏

小磨麻油
極香
玉露霜
取木瓜根磨細澄粉和薄

粉皮
出雙鳳鎮以
菜豆粉為之

蔬之屬
附
蔬

韭
春初顯取嫩芽
蒜
蔬即小蒜俗
葱
白葉
即

為園蔬上品

菜 春菜 卽烏菘菜 油菜 春初生薑摘啖極佳摘後再發

油邑人重之故言 芥菜 蒼蓬菜 卽甜 菠稜菜 種下

春熟者必曰菜麥 芥菜 蒼蓬菜 卽甜 菠稜菜 種下

後須跨月乃 莧菜 青赤二種 蒿苳 俗呼 薺菜 俗呼 王瓜

生亦一異也 莧菜 青赤二種 蒿苳 俗呼 薺菜 俗呼 王瓜

芹 二種 蘿葡 二種 茭白 菜瓜 俗名醬瓜 亦可醃藏 王瓜

生瓜 絲瓜 冬瓜 大者重二三十斤皮子俱入藥 西瓜 出雙鳳

名徐家青一種皮最薄聞雷聲卽破裂名 香瓜 卽甜

馬稜瓜亦名驚雷瓜 蘇人番瓜邑種最繁 壺 俗名葫

各別亦以出 南瓜 俗名番瓜邑種最繁 壺 俗名葫

雙鳳者爲上 蘇人番瓜邑種最繁 壺 俗名葫

種惟名合盤 瓠 俗名 茄子 芋 俗名芋 有 香

者甘淡可食 瓠 俗名 茄子 芋 俗名芋 有 香

芋 味甘膩品 落花生 微似香芋植沙土中蔓生 茨

菰 勃臍 一作荸薺 筍 種頗多以燕竹 辣椒 有紅

色形類不一 名地栗 筍 種頗多以燕竹 辣椒 有紅

可和食品 名地栗 筍 種頗多以燕竹 辣椒 有紅

菓之屬

梅有消梅鶴頂紅杏地理志范蠡宅在湖中有海杏

其遺金剛拳諸佳種桃種極多名水密者為最城南園遍植桃樹

一種歟柿種極多以花包棗邑產惟柑橙銀杏

一名白果林檎俗呼花紅州屬葡萄又稱蒲菟實細

香櫟有春秋二種以皮菱青紅二種老而入泥則為

藥之屬

薄荷邑產者香而辣與蘇州所產荆芥紫蘇葉梗

俱入藥作密旋覆花夏枯草冬至後生葉如旋覆

餞芳香可口之氣至夕則屈其金銀花一名忍冬簾牛蒡子

車前子詩采采芣苢即蛇床子益母草一名茺蔚

此俗呼蝦蟇草

詩中谷有

此推卽 佩蘭草 甘菊 有黃白二種黃者杭產 括藁

實 天花粉 卽括藁根 戴草 俗名魚腥草 青木香 治咽

效出小 馬兜鈴 卽青木 五茄皮 春時土人採嫩芽

愛根皮入藥補勞傷古諺云寧 枸杞子 地骨皮

得一把五茄不用金玉滿車 决明子 何首烏 苗名九真藤

香附 卽莎草根岡身 决明子 何首烏 至夜則交昔

有何姓老人服之 金薺草 扞扞活 骨一名接 樂得

打卽商 薊 有大小二種以 藿香 有大小葉二

薄公英 俗名羊奶草 見腫消 卽白花 薯蕷 卽山藥

餘子功 鱧腸草 一名旱蓮草 俗呼 天名精 卽土牛

倍山藥 鶴蝨 卽天名精子殺寸 天門冬 苗名 麥門冬

蒼耳子 俗呼野茄樹詩 草蓆子 本草草蓆油能拔病

良薑

即牆頭草花根
子名紅豆蔻

土大黃

治毒

土茯苓

一名仙遺

腫毒

苦草

虎跡草

治黃疸
神效

虎耳草

一名金絲荷
葉治耳聾

豨薟

治風
疾良

青蒿

茴香

半枝蓮

治蛇
毒

驚不食

草

一名野園荳
治頭風目翳

山茅根

葉尖長有刺根紅色
治癰良出小西門外

菱

花一名迷蘭

天南星

石菖蒲

淡竹葉

即鴨跖草花
碧色主利水

荔支草

葉深綠色多皺
紋治腎囊風

土三七

威靈仙

花名鐵
線蓮綠

色可

雞距子

俗呼金鈎子味甘解酒毒
云門前植雞距室內無美酒

木之屬

桑

州少木而土性實宜栽
桑柘子落即生旋暢茂

女貞

一名冬青邑人種木
棉者謂其花不落濕

地伺其開否

鴨脚

槐

柳

楊

椿

葉香者
為椿臭

者為樗土人摘
嫩葉入素饌佳

合歡

俗呼烏絨樹其
葉夜合皮入藥

皂角

莢去油
垢刺入

藥

樸柏子可棹油澆燭葉經霜後紅紫燦然可觀

黃楊

檉一名西河柳

檀山樊

竹之屬

燕竹筍最早味極甘脆

護基竹亦名護居竹俗呼哺鷄竹筍大而脆

黃姑竹

通身黃色每節間有一線綠色俗呼五月笙

慈孝竹四時有筍春冬則筍生竹

外夏秋則筍生竹內故名

笙竹俗呼五月笙筍味稍苦

紫竹鳳尾竹細

而軟下垂如鳳尾故名

篴竹水竹方竹有青紫二種

人面竹

根節凹凸如人面

觀音竹極小長不過尺

天竹本非竹類以葉似得名冬間子熟後

殷紅成簇有鬼臉木雕獅尾飯團等名

卉之屬

牡丹紫及粉紅者居多人家庭園爭植之若白及深紅大紅者尤為珍貴

芍藥往時太原相國

直隸太倉州志卷十七風土物產七

東園極盛多集名品今惟西城隆福寺僧房及闕帝廟內尚有大紅千葉桂州產此枝叢

稱雙鳳種今法輪寺中尚有極大者菊邑多佳種老

又一種四季開花紅色結子名丹桂菊圖植之花時

移置盆盎獲厚值至有萬壽菊深淺黃色開極耐

以數金易花一二朵者僧鞋菊花淺碧色形如

二至菊花亦耐久自夏至迄冬僧鞋菊僧鞋故名以

上三種俱金荳花俗名忽地笑有紅黃粉紅紫白各

非蒟類金荳花俗名忽地笑有紅黃粉紅紫白各

故亦謂之葱嶺金荳花蠟梅別有狗蠅壑口之喜梅

葉不相見謂之無義草海菜有貼梗西府垂絲諸

即棠棣一名郁李梔子海菜有貼梗西府垂絲諸

子如櫻桃可食梔子海菜有貼梗西府垂絲諸

本名秋八仙俗名繡毬一種草迎春玫瑰薔

海棠有紅白黃紫諸色另一種名三醉自辰至酉三變

微其色外如月季十姊妹佛見笑小麥紅皆其類也

蓮紅白二種千葉者名子午蓮花淡綠色六瓣絕似

蓮花午芙蓉有紅白錦葵蜀葵向白葵秋

開子合芙蓉二種錦葵蜀葵向白葵秋

葵 瞿粟 一名米囊花 虞美人 紫薇 有紅白紫

紫荊 紫籐 州中為最盛今北關 木香 有黃白二色

者名 金鳳 俗名鳳仙洋種 玉簪 一名白鶴仙 棣

茶蘼 紫荊 雞冠 五色俱備一種名馬 珍珠佩 花白

生纍纍 山茶 柳穿魚 名花紅色相綴成串 秋牡丹 纏

如貫珠 枝牡丹 本名旋 荷包牡丹 即當歸一 剪春羅 剪

秋紗 金絲桃 鐵圓者名 刺薜 一名長春 蛺蝶

瑞香 有紅白 滴滴金 萱花 一名宜男草有 木

槿 枝葉柔軀人家以之結籬花有紅白 二色朝開暮落詩顏如舜華即此

草之屬

田草 八九月種春時摘食嫩苗謂之幃頭亦名金花菜

直隸太倉州志 卷十七 風土下 物產 大

本草卷之少

麥 蓼 俗名紅花亦可染絳老則 天藍 冬初下種

菅 出菅草鞋邑農均賴之 蒲 鄉中浜瀾皆藝之名曰

棉 利厚 綵麻 俗名黃藤不可 蘆 俗呼烏 蘆 為簾

于田 木棉為色以藩宮室為蓆 蘭 俗名三角草粗者 藍

以佐舟車資用實繁焉 葉如菘菜三月下種五月剪其葉浸水日去查攪之成

靛青勝于閩產剪已復生歲常三四收江浙染坊資以

為用販 馬蘭 春時摘嫩苗為蔬清香殊 吉祥草 如

者甚多 萱而狹冬夏常青 老少年 秋深葉層簇 甘蕉 俗呼

喜慶事中多用之 烟葉 宋本名淡孤巴來自呂 州境舊有藝者

羽之屬

雞 鴨 雉 即野 鳧 即野 布穀 一名催 偷倉 鳥小

善為巢出入羣 戴毛鷹 三四月間食載 黃雀 中後

飛一名禿鶻

毛蟲肉絕腴美

前後

集海墻蘆葦間肉
團尾四月間化生
麻雀
鵝鵝

一名
鵲鵲
羣栖田畔尾短色班飛不高遠性善鬪土

洵河
人捕之雄者握之以夾勝負雌者以充庖

化爲鷺即此
斑鳩俗可以驗晴雨
鵲必避太歲土

人以巢之高下
石鵲極清脆
白頭翁
鴉
蘆軋

占水之大小
潛蘆葦中北鄉謂
啄木善食蠹樹有小孔能以喙

軋之蘆鴉夏秋人饌
俗呼鳥春其音百囀清
魚虎腹

稻雞一名
百舌
壓可聽入夏則無聲
鵲俗名告

背黑尾羽紺翠飛
噉棟飛食棟實肉肥
鵲俗名告

掠水面啄水小魚
噉棟可食出東北鄉
鵲俗名告

籠養以
黃頭
蠟嘴二鳥俱喜鬪土
鵲俗名告

毛之屬
牛
羊
豕
狗
貓
兔
獐
俗名猪
獐
俗名

皮輕暖可
香狸一名靈貓能一體自爲牝牡皮骨皆

緝爲裘
香其外腎可以代麝東北鄉古墓中

江溜所經之處故
州人時網捕得之
勳腹有骨勒人故名出海北洋五

販亦有鮮者蘇郡人和蝦
子煎制名蝦子蜆供饒遠
魷魚形圓如箕口在腹下

魷之別青
鮓魚俗呼白魷無鱗而肥中吳紀聞云鮓

老如相問正滯江南為鮓
魚又作去聲讀矣
石首俗呼黃魚首中有白石

膠物亦入饌乾者名白
鮓魚俗名車片身薄口小鱗

諸魚之涎有
鮓殘瑩白軟骨長三寸清明前後半月

似手姐故名
按博物志云吳王江行棄殘鮓化成名吳王膽餘又

云鮓魚隋六業六年郡獻鮓魚乾鮓十四瓶
業詩棄擲誠何細夫差信老贊微茫經七著變化入波

濤風俗銀盤薦江湖王饌高六千殘卒在脫網總秋毫

介之屬

箭頭魚以形受名長三寸無鱗頭尾細清
明後半月出海口以上俱係海鮮

蟹出雙鳳直塘等處惟產尉遲公潭者名金瓜團臍形
類獨大味亦勝另有一種菜花蟹肥大異常純雄無

直隸大拿月示
卷十七 風土下 物產 二

雌縣志出茜 蛭 蛭 出七浦及瀘漕者最佳名 蜆

涇鎮今絕無 沙蛤 一名土匙俗呼軟超 鰲 俗呼 蝦 四

瀘漕 月間出者大而多子腦有紅 螺 蛸 海 蛸

鎮洋縣

木棉 產鶴王市者較他處所產柔韌而加白每朶有硃

曰太倉鶴 三 箇 老 窠 出縣三箇夏布也 蒲 葵 以 菅

王鎮棉花 成出茜涇農隙皆掘屨為業 蒲 包 團 尾 桃 城 西

邑農均賴焉餘則貨諸他邑 蒲 包 團 尾 桃 城 西

盛皆縣 筍 城 南 鄉 一 帶 地 煖 宜 綠 橘 花 初 蛻 卽 可

嘉定縣

紫花布 藥班布 出安亭宋嘉泰中土人歸姓始為之

以灰藥塗布染青俟其乾拭去青白

成文有山水樓臺人物花鳥諸象

荖花布

出安亭以青白間織如棋枰

涼鞋

新出

涇鎮一帶以菅草擗而織之粗細不一等四方賈客捆載而往

竹刻

始于明邑人朱松鄰其子小松

孫三松益精其技以畫手行刀法樸老可愛後之習者特以工細爭勝去古遠矣

盆樹

始于朱三

松仿古名畫為之剪紫

橄欖爪

產外國形圓而長色味兩絕

桂

花糖

其法始于孝子徐應敏以松子烏梅橘餅早桂玫瑰薄荷檀香分品製成五色陸離可以饒遠

玉露霜

即天花粉縣產最繁製亦最佳

水仙花

他處種花皆隱葉內縣所產獨簇于葉上

寶山縣

剪燈

羊

出艾祁鎮

雞

出大場鎮者最巨皮啄距皆純黃色名三黃雞有重九斤者其雄而

黑色者名黑十二言重十二斤也

四腮鱸

出吳松口

魚苗

出縣北鄉人

櫻桃

縣境二十七都尤多所至成林

李

出真如鎮者最佳名青翠李

蓴菜

西瓜

種畧相似惟名西番蓮者獨縣有之

蝨蟹

形小如豆中酒浸食最鮮

沙

直隸太倉州志

卷十七

三

裏狗

出青浦場

崇明縣

大布

闊一尺七八寸不等長八九丈他邑所無通行各省

單布

布之稀鬆者可為帳貧民以代

夏布

線布

棉線織成可以禦雨

食鹽

產仙景諸沙地色白味鮮

鶴壺鶴

盃

以鶴卵鑲製殊佳

弓

邑尚武故弓最强

甘藷

俗呼番藷

桃

他處桃味皆甘

淮

崇產者味兼鹹酸種亦獨大以沙土肥厚故也

梨

大者重至斤許名秋白梨

鱉魚

產海

洋

按婁土磽瘠獨賣木棉賦稅衣食均於是乎在其餘土宜所出大江以南不甚相遠茲即前志所列畧為地力則勤儉二言盡之矣

生員 陸錫瑞 仝校

直隸太倉州志卷十七終

直隸太倉州志卷十八

水利

上

水之所利農田運載太倉東濱大海西受具區諸
水控清引濁蓄洩兼資歲久則堤堰廢壞通塞相
循濬治之繫於人力者甚重今考前事之成法採
昔賢之確論咸著於篇志水利

水道

洋面海潮附

太倉州

城中水一自太倉塘入大西水門由儒學後稍折而東
一自陳門涇入小西門經儒學前稍北一自半涇入大
東門並至儒學東會三尖嘴其亘南北經太倉塘而稍

偏於西者曰鹽鐵南北水門塞水入東西三門則由鹽鐵分流至南北城下州治東偏曰東勒馬涇又東爲東港又東北曰項脊涇又東曰周涇治西偏曰西勒馬涇又西爲鹽鐵又西北曰寺涇太倉塘南曰莊五涇東北由樊村涇與太倉塘合東南出朝陽門西南入鹽鐵又西南曰旱涇

城中水太倉塘北爲州境塘南爲鎮洋縣境

海在州城東七十里自洪泗浦至七鴉口爲州境自七鴉口至劉家港南爲鎮洋縣界嘉定則東南至海四十里寶山則在縣城東門外環舊境八十餘里崇明四周皆海而自施翹河至劉家港海道五十里縣治至七鴉口海道四十里

按州境及屬邑皆海水所輸貫故總叙于此後不另出

三江一為婁江

亦名下江

西受震澤東逕蘇州府婁門東下

又東至崑山為至和塘又東至州境為太倉塘東南由

劉家港入海一為吳淞江

亦名松江亦名中江

西受震澤東逕夏

駕浦又東至嘉定又東迤北至寶山東北入海一為黃

浦江

亦名東江

西受杭嘉湖諸郡之水東南至寶山東會吳

淞江東北入海

按三江出入州屬界中例得總書于此其詳則分載屬邑水道

太倉塘自蘇州府崑山縣治東三十六里至州城入大

西門出東水門闌東南入劉家港

按桑悅志云宣和二年修崑山茜涇浦自

太倉塘斂口邊入崑山志云太倉塘在積善鄉塘一而

已由崑山而西至婁門曰崑山塘亦名至和塘崑山東

至州境曰太倉塘二塘俱古婁縣地故亦總名為婁江

也○州境有縱浦有橫塘先太倉塘者以州治為主也

七鴉浦西北起蘇州府昭文縣界東逕吳塘又東鹽鐵

塘又東逕橫瀝又東逕漕頭塘又東逕廩場涇又東

涇六尺河又東合花蒲入於海

按州境東西行之水以七浦爲主而浦之

南北次序如左

七鴉浦之北曰洪橋涇東逕鹽鐵爲白湄涇又東逕橫

瀝又東逕白米涇又東入漕頭塘

又北曰浪港東入海又北曰鹿鳴涇西接陳大港東逕

瞿新涇又東過直土涇又東北入海浪港南曰中心

涇東曰杜陸涇又南曰鬼涇

又北曰蕩茜涇又北曰甘草涇又北曰錢涇又北曰錯

腳港又東北曰洪泗浦皆東入於海

七鴉浦之南曰茜涇河西接曹頭塘東逕丁涇又東逕

麋場涇又東逕六尺河又東逕石孔涇又東逕花蒲

東入於海

州北縣南以此分界○按距州東北四十里本宋時五大浦之一

又南曰杜漕塘西起崑山縣界東逕吳塘又東逕鹽鐵塘又東逕半涇又東逕橫漚又東逕孔涇又東入漕頭塘○顧門涇在杜漕塘北西起崑山上承巴城陽城之水東逕吳塘又東逕鹽鐵又東逕半涇入西橫漚

又南曰王涇西起崑山縣界東逕吳塘又東逕鹽鐵又

東爲楊林

楊林詳下○按水道以上皆東西之水自西來東入于海古人五里一縱浦之跡也

吳塘北起昭文縣界南逕七浦又南逕顧門涇又南逕湖州塘又南過陳莊涇又南入劉家港又南入嘉定

縣界

按南北橫塘以吳塘爲首者自西而東吳塘最在西以下次序而東

吳塘之東曰鹽鐵塘北起昭文縣界南逕七浦又南逕

顧門逕又南逕杜漕塘又南過楊林西口又南逕丁

岡門又南逕湖川塘抵州之北濠與太倉塘合

州北縣南

以此分界○鹽鐵在縣境者詳鎮洋縣水道

又東曰大半逕北抵七浦南逕杜漕塘又南逕楊林又

南逕湖川又南入太倉塘

州西縣東以此分界

分流自州城東

水門又南合城濠又南入劉家港

又東曰西橫瀝北起昭文縣界南逕巨逕又南入七浦

又南逕杜漕塘又南逕湖川又東南合石婆入劉家

港

又東曰東橫涇北起昭文縣界南過白湄涇口

白湄涇南俗誤

稱東橫涇曰白米涇

又南逕七浦又南至茜涇河又南逕楊林

又南逕湖川又南逕朱涇爲南橫涇又東南逕劉家

港又南入嘉定界

又東曰漕頭塘

一作石頭亦作閘頭

北起昭文縣界南逕七浦又

南至茜涇河又南逕楊林又南逕湖川東口又東南

會小塘子入劉家港

又東曰縻場涇

一作縻場一作縻長

北接浪港南逕七浦及南至

茜涇河又南逕楊林又南入陸窰塘

又東曰西花蒲北接七浦南接茜涇河又南入蕩涇

又東曰六尺北接浪港爲北六尺南逕七浦又南逕楊

林曰南六尺

又東曰東花蒲北逕茜涇河又北入七浦南入楊林

按以上皆南北之水古人十里一橫塘之迹也凡地
形以南北為縱東西為橫而塘浦以東西為縱南北
為橫者水自西下直趨於海為宣洩之主南北之水
分受之以為灌溉之利舟楫之便故以東西為縱南
北為橫也遇旱則縱浦引潮水以入橫塘而蓄之於
是而瀉之遇早則縱浦引潮水以入橫塘而蓄之於
東南無不貫通之塘浦而亦無不沾溉之
農田此所以脈絡周布而利徧於阡陌也

東一都西界鹽鐵東達半涇鹽鐵湖川南北支

河穿心東西支河洋沙涇趙浦涇吳孟涇太平河

泥河浜彭岡涇王

六都西起花蒲東盡海渾幹河南北支河西花

汕車浜八尺河六尺河薄秀涇石孔涇
東花蒲張家浜吳涇宋家港蝦蟆浜陳

門涇	楊溪	東西支河	雙鳴涇	南觀涇	北觀涇	鬼涇
七都南	西據橫涇	東跨廢場	干河	楊林塘	南北支河	九曲
河	麻勒涇	新涇	丁涇	尤漕	東橫涇	黃家浜
孟涇	戴涇	東西支河	茜涇	交涇	牛困涇	馬舍河
北馮涇	寺溝河	中黃涇	龍泉港	諸涇	南馮涇	裴溝
十一都	西起陳大港	東至海渚	支中幹河	鹿鳴涇	南	
北支河	諸涇	黃涇	陳大港	北環滄海	邵家涇	直上涇
蕩茜涇	朱涇	六季涇	俞新涇	周場港	寺塘	竹
其浜	魚涇	和尙涇	石燕塘	穆家浜	白米涇	花漚
浜	諸太涇	西北七木	甘草浜	周洛涇	橫港	張浜
朱涇	南斗涇	北斗涇	高福塘	周洛涇	橫港	張浜

十二都西鄰崑邑東枕半涇北帶寺涇幹河吳磨南北支

河黃蒲涇西橫車涇金涇夏涇東西支河杜漕塘

斜塘寺涇嚴涇顧門涇網江涇心涇素門涇港涇

十三都西起金雞河東至半涇幹河吳塘湖鹽鐵南

北支河金雞河泥涇小涇翁涇橫涇黃葑涇石家漣西青漣

漢連松涇水涇新綿涇戴家東西支河許家

太平河南泥涇岳涇丁岡門白洋漣王家

莊涇徐一涇嚴涇新塘秦岡門彭岡門王家

十五都西枕橫東帶新涇幹河南北支河過街

陳智涇香花涇尤漕西車涇中車涇東車

張涇莊基涇新涇萬鳥涇孔涇柴湯涇顧家漣

東橫涇周涇萬鳥涇孔涇柴湯涇顧家漣

廟涇 倪涇 武家東西支河 金涇 射團涇 和尚涇

東司馬涇 崔涇 黃泥涇 倉涇 黃泥涇 花涇

十六都引顧門新界 東抵半涇 南幹河 吳塘 鹽鐵

南北支河 巷涇 東新涇 則港涇 西青樓 小吳

塘西橫涇 時涇 蔡涇 朱菜涇 翁家涇 絲網涇

王家淩 曲淩 橫涇 尚涇 東西支河 寺涇 斜塘 羊角

半涇 九橫涇 蕭巷涇 徐涇 李莊涇 何莊涇 蒲鞋 司姑

東樹涇 廟涇 新塘 金港 徐涇 獻齒 李莊 夏駕涇 司姑

上二十四都 南枕石頭塘 東帶龔泊涇 幹河 七浦南

北支河 黃采涇 枯木涇 張家涇 北接浪港 開頭塘 鮎魚

龔泊涇 西瀾 中溝 東西支河 富家涇 南洋涇 桐涇 何漕

直隸太倉州志 卷十八 水利上 水道 六

小塘涇 穿山塘 八尺河 蒲洪 董清 北界涇 蔣涇 七浦 南北

下二十四都 南襟七浦塘 北接浪港 幹河 浪港 南北

支河 唐施涇 馬洪 雙塘 盛畜涇 章浦 割船涇 西淡

涇 曹王涇 花婆 長槽 戴浦 長涇 周木

河 蕩西涇 馬洪 張涇 界涇 高涇 六尺多

陳洪 蕩西涇 轉河 東西支河 九曲塘 南雙鳴涇

夏錢涇 童長涇 橫壩 觀音堂涇 北雙鳴涇

二十五都 西枕半涇 石崇涇 東跨清頭塘 支中幹河 杜漕 南

北支河 西橫涇 東瑣涇 北依界涇 葉涇 朱涇 洋

東西支河 顧門涇 界涇 廟涇 夏曹涇 周涇 虎路涇 草路涇

二十六都 西六河鎮 東十一都 幹河 洪泗浦 六長浜 鎰南

北支河 和漕大橋 寺涇 廟涇 管段河 彭家浜 馬庵浜 顧家浜

曉明涇 新涇 楊家浜 葫蘆浜 李泗涇 孫婆浜 段

涇 閑涇 王家浜 道人 東西支河 港北港 丁字涇 新塘 陳小

涇 直上涇 蘆涇 蘆涇 蘆涇 蘆涇 蘆涇 蘆涇 蘆涇 蘆涇

蘆涇 蘆涇 蘆涇 蘆涇 蘆涇 蘆涇 蘆涇 蘆涇 蘆涇 蘆涇

蘆涇 蘆涇 蘆涇 蘆涇 蘆涇 蘆涇 蘆涇 蘆涇 蘆涇 蘆涇

二十七都 西昭文界 東陳大港 南至浪港 北支中幹河 溝頭

浪港 南北支河 張家浜 東青溪 潘明浦 夾涇 張潭

陳大港 南北支河 白蕩 東青溪 潘明浦 夾涇 張潭

陳涇 朱涇 蔣涇 古木涇 木杓涇 黃涇 烏嚕

窑蕩 大潭 繆涇 陳婆浜 嚴舍浜 莊涇 鯉即

浮 三孟河 東西支河 南黃浜 南港 涓涇 急水浜 牛車

燒香浜 廟涇 新涇 山涇 相里浜 胡毛

北港 姚蕩 張涇 隆池 北黃涇 胡毛

雙浜 陳涇 孫六涇 盧家塘 進賢涇

西房涇 東房涇 蕩茜涇 薄莊涇 司河涇

西長浜 東長浜 柴蕩浜 孟婆浜 蘆荻蕩

浜 甘草浜 鹿鳴涇 裴思涇 蘆荻蕩

二十八都 西鄰楊涇 東連十五都 幹河 南北支河

南跨七浦 北依陳涇 水道上 水道 七

直隸大倉川志 卷十八 水利上 水道 七

凌母漕轉豪浜楊涇新涇柴場涇鹿鳴涇顧家涇均司

漕西橫涇長漕大浜薛家東西支河姚涇周

木杓浜才浜和向涇馮莊涇毛漕東西支河姚涇周

浜過街樓陳涇張涇都涇

涇洪涇瞿涇張涇都涇

二十九都西枕吳塘東帶六鶴幹河吳塘七浦塘南

北支河老鴉浜新涇蘆涇和涇六鶴涇邱家渡吳孔涇小鹽鐵郭娘

橫浜東西支河鄒莊涇泥邵涇斜涇戴涇姚涇陶

胡漕東西支河七浦涇泥邵涇斜涇戴涇姚涇陶

涇沙河涇曹涇富涇浜瞿涇潛涇陸涇陸涇

張涇顧了涇曹涇富涇浜瞿涇潛涇陸涇陸涇

按張采志張涇門在州城西南接婁塘界應涇門在州

城西南邵涇門在州城西北賈涇門吳涇門顧涇門在州

涇門彭涇門並在州境西北廟涇門李涇門潘涇門

秦涇門青涇門並在州境西北廟涇門李涇門潘涇門

陰涇門青涇門並在州境西北廟涇門李涇門潘涇門

間又有薛墅門高門諸門大凌門小凌門之屬按州

地高仰俗號岡門故昔人設水門以蓄洩潮水名曰

涇門所紀皆在城外南北西三方亦名僅存不復故

迹

鎮洋縣

城中水自太倉塘南爲縣界

詳上

劉家港

亦曰劉家河

西接太倉塘折而東南逕南鹽鐵東過

舊劉河又東過新開河又東過廟堂港又東逕南橫

澚又東逕千步涇又東合小塘子又東合朱涇又東

合石家塘又東合澹漕出大閘又東逕楊子涇又東

逕墅溝又東至橫池塘入於海

劉家港北曰朱涇

亦曰新劉河亦曰白公渠

西受太倉塘東抵北澹

漕東南至天妃鎮長五十里

又北曰湖川塘西起清水港東逕吳塘又東逕鹽鐵又

東逕大半涇又東逕橫瀝又東逕千步涇又東合小塘子入劉家港

又北曰楊林塘西接王涇東逕大半涇又東逕橫瀝又東過孔涇又東過沈漕又東逕漕頭塘又東逕丁涇又東逕廢場又東逕西花蒲又東過六尺又東過石孔涇又東合東花蒲又東合司馬涇入於海

又北曰茜涇河西抵漕頭塘東入海

詳上○以上皆境東西縱蒲

吳塘北起昭文縣界南入婁江其西南別出曰顧浦曰

瓦浦

詳上

吳塘之東曰鹽鐵由婁江折而北曰倉河蓋元時海運

倉在其北故倉雖廢而俗猶襲稱云

詳上

又東曰大半涇南入劉家港詳上

又東曰西橫涇詳上

又東曰石婆港北抵楊林南逕湖川東合朱涇西合太

倉塘又南入劉家港

又東曰東橫涇又東曰漕頭塘又東曰麋場涇詳上

又東曰潛漕自茜涇城北抵楊林之花婆者為六里塘

自茜涇城南逕新塘陸窑塘朱涇之東口抵天妃鎮

劉家港者為北潛漕以上皆縣境

西一都西起清水港南依太倉塘東界鹽鐵水北鄰十三都幹河吳塘太倉

南北支河黃泥漕盛涇新開河姚涇錢家港史家港

董泥涇黃泥漕周昌涇沙浜錢家港史家港東西支

涇斜涇清水港下吳塘雷潤涇水利上水道

河 賈古塘 施家港 顧宗涇 包涇 謝涇 窑浜

顧岡門 太平河 莊 王家漢

東一都上三 南東依鹽鐵 支河 門 賈岡

東一都下三 西南傍大半涇 東環小 支河 孟婆漢 吳

門岡

二都 南西起張涇 東跨石樓 幹河 劉家港 至和塘 石樓 南北

支河 馬家港 南鹽鐵 今俗名倉河 成吳涇 張家港 湯涇 舊劉

河 范思賢港 金家墳港 許家港 學田港 東西

支河 陳門涇 丁岡門 梅家港 范涇 趙家港 潭孔

家墳港 新開港 橫涇港 武家灣港 潘家港

孫家港

王家港

河溝西涇河唐大涇蒲田涇陸窑塘薛漕陶家錢涇吳

七都二三五八南西枕清頭南據楊林東帶廉場幹河楊林南

北支河孟溝塘丁涇邵公浜徐浜蕭涇鄭涇摩羅塘東西

支河南馮涇北馮涇費家淩紫涇茜涇姚

八都西枕石漢北東帶蔣漕幹河小塘子南北支河白

漕橫羅塘千步北鄰陳從涇落橫浜殷丹涇張涇豐涇蔣漕潘

東西支河盛涇劉河陸窑塘落橫浜殷丹涇張涇豐涇蔣漕潘

九都西起小半涇東抵廉場河幹河湖川塘南北支

河小諸涇青福涇項脊涇橫涇石婁港千步涇龍涇陳

從涇查家羅塘邵婆支溝丁涇橫涇石婁港千步涇龍涇陳

支河木行涇何家江高門涇蕩茜涇倉涇化成涇陳涇

陸窰塘 菱門涇 小楮涇 大涇 時溝 毛長
夾界溝 段港 支門涇 破錐鑽 顧門涇

觀涇

十都 西起石婁港 東抵楊家浜 幹河 劉家河 朱南

北支河 橫涇 廟堂港 又名江中涇 東橫涇 從此

步涇 三江口 陳從涇 殷丹涇 豐涇 腰涇 干

西黃泥浜 淺良浜 陸家浜 薛涇 東黃泥浜 浪子浜

楊家浜 恬靜涇 張涇 支門涇 東西支河 舊劉河 楊柳

金渡浜 弓家浜 支門涇 東西支河 楊柳

十二都 五箇至八圖 散列十四都界 舊十二都一至四

境其五箇至八箇 就十四都分 幹河 湖川塘 南北支

河 翁涇 黃葑涇 黃泥漕 白淩 浪馬港 東西

支河 岳涇 小吳塘 鮎魚涇 橫涇 吳家涇

顧岡涇 丁岡門 新塘 太平河 泥涇

直隸太倉州志 卷十八 水利上 水道 土

十三都四箇東依鹽鐵北傍湖川幹河湖川東西支河岳瀝郭

家涇泥涇陳莊

十四都西鄰新陽界東跨大吳塘北依岳瀝幹河吳塘南北

支河陳常淩黃葑涇清水港苗涇杏涇

家浜下吳塘斜涇橫瀝湛涇胡家水淩鮎魚涇高涇張家水

淩駱家東西支河古塘嚴涇新塘泥涇札涇又

岡門馬涇岳瀝汝港門太平河林家浜顧

徐了涇王家涇斜淩朱家浜西菱涇

十七都西起瓦浦東跨鹽鐵北錯十八都南幹河劉家河吳

南北支河南鹽鐵牛犢涇張碧涇東西支河顧浦聖

朱理涇邵涇鼎涇古墅涇張烏涇六書港朱

六華涇小婁塘長涇施家涇

門涇 倪涇 蚊子涇 蔣家涇 余家涇 十字
漢 張河涇 張岡涇 大凌門 小凌門 薛墅

門 莊家涇 季
家涇 王家涇

十八都 西起瓦浦 東錯嘉定 南 幹河 劉家港 七虞涇 吳
鄰十七都 北遶劉家港 幹 絞河 倪村浜 黃考

南北支河 南鹽鐵 鰓魚涇 唐涇 許涇 倪淇涇 橫涇
一名姜 東西支河 倪涇 錢門涇 蚊 石牌涇 過 門

家港 召里港 古婁 陳門涇 管門涇 彭涇 黃姑塘
陳涇 張涇 莊涇 牛皮涇 楊家浜

家港 秦
十九都 西起楊家浜 東抵北洋子 幹河 劉家港 朱涇 北
南越劉家港 北界陸窑塘 界浜 張涇 蔣漕

南北支河 南楊家浜 高浜 宋涇 洋子涇 張涇 蔣漕
尤漕 梳粧涇 周家浜 腰 東西支河 錢涇 蔣漕

涇 邱家浜 官長浜 平家浜 腰 東西支河 張涇 蔣漕
白堰 陸窑塘 尹家浜 張明涇 良漕 楊木漕

涇 陸窑塘 尹家浜 張明涇 良漕 楊木漕
直隸太倉州志 卷十八 水利上 水道 三

直隸太倉州志 卷十八 水利上 水道 三

直隸太倉州志 卷十八 水利上 水道 三

朱浜北

二十都

西起北洋子南越劉家港

東盡東海押北帶桃源涇幹河劉家

南北支

河

南洋子涇金浜

北洋子界浜

長潮塘

南墅溝航船港

北墅溝

湯楚城涇

東西支河

丁涇桃源涇

苜蒲濃

薛敬塘陳家塘

橫池塘

中港

二十一都

東盡海押西都十九

南錯寶山都

幹河劉家

港

南北支河

長漕

顧家塘薛敬塘

東西支河

海塘堵塞

二十二都

西起橫瀝南控湖川

東抵蔣漕北枕杜漕

幹河楊林塘

湖川塘

南北支

河

東西橫瀝

新葉涇

謝涇千步涇

孔涇潮里張涇

夾涇

腰涇八漕壩

漕頭塘

顧稍涇

高濃

鵝鵝摩羅塘

夾江涇

荷花池蓮母涇

萬涇

場涇

蔣漕

東西支河

杜漕塘

葛家浜

吳涇

划船涇

丁古濃

陳涇

高濃

沈涇

龍骨涇

陸涇

風虎涇

小湖川塘斗門涇

司馬涇

諸涇 汶樓 小朱涇 走馬涇 白漕 張柴涇 姚涇 大涇

二十三都 南起半涇 東盡橫灘 乾河 楊林塘 南北支

河西橫灘 毛家浜 北枕楊林 葉涇 東橫灘 小

河半涇 石婆港 黃蟹涇 馮家浜 吳涇 又

袋浜 牛車涇 斜涇 中涇 莊家浜 姚家浜

蔣祥 于涇 陳思渡 東西支河 顧同門 腰涇 鳳凰

羅家浜 陳思渡 東西支河 顧同門 腰涇 鳳凰

金家浜 阜靴浜 東西支河 顧同門 腰涇 鳳凰

岡門 李王浜 荒莊涇 亨涇 廟浜 和尚浜

諸涇 星涇 暗涇 龍門 錢村涇 野菱浜 學田港

孟翁涇 六婆涇 杜岡 大浜 錢村涇 野菱浜 學田港

尖浜 唐家浜 人同涇 錢道浜 大洋浜 黃泥 龍香

二十五都二高 西傍漕頭 幹河 楊林 南北支河 漕頭塘 邵公

路涇 虎 東西支河 苦涇

直隸太倉州志 卷十八 水利上 水道 三

金溪志該擊王在晉云太倉之水入江一
淞湮淤南水泛濫白茆七浦淺澀北水橫
綫能盡納東南數郡之水乎此言誠為有見故予謂
吳淞白茆當與婁江兼營而並事而七鴉口者東南
宣洩之要區也自崑山至和塘而北合常熟昆承及
陽城巴城諸川澤匯流為七浦塘自七浦之南為場
林塘又承七浦上流及巴城湖之水至東北八十
花婆口會七浦水由七鴉口以入於海夫太湖之大
水口有二南條之水由吳淞入海北條之水由婁江
入海而婁江兩岸來水亦分南北其由新洋夏駕等
浦而入者謂之南路水其由陽城巴城等湖而人者
謂之北路水南路之水婁江獨任之北路之水七浦
楊林分任之故七浦所以輔婁江而楊林又所以輔
七浦者也至於楊林之南有湖川塘環出小塘子以
入婁江北穿鹽鐵西接金雞多支流通達與楊林七
浦橫貫城北血脈周流湖川之南有朱涇即白公渠
也為古婁江北海道白公之言曰自劉河塞而震澤之
水不能朝宗於海旱苦龜坼潦苦其魚開朱涇所以
代劉河尾閘也再貫南北者有鹽鐵河南北出吳淞
入海北由白茆以達江且南為嘉寶出口北為昔日
漕河合之吳塘漕漕等河此皆輔婁江七浦以分任
水勢者也其他或為支中之幹或為支中之支河道

分流難以枚舉要惟隨各都所至以爲蓄洩皆以通達水道而依附於各幹河者也至茜涇河昔爲五大浦之一今爲州縣分界已半成平陸桔槔多廢稼穡無功爲想范仲淹設縣屯兵處渴不可追滄桑之更可勝慨哉夫涇淤則上流之受厄最先修治則鎮邑之爲勞獨甚維桑之計豈惟一州一邑當共此圖維乎

嘉定縣

城中水橫瀝自南流北練祁自西流東午貫城中名十字河亦曰市河其通橫瀝者曰匯龍潭曰野奴涇曰呂墅涇曰唐家浜其北爲小楊樹浜又北爲南楊樹浜北楊樹浜其通練祁曰新渠曰何家浜曰西清鏡塘其東曰東西庫涇其通內塹者曰東清鏡塘曰飯湫港

吳淞江在縣治南三十六里

詳上

直隸太倉州志

卷十八

水利上

水道

古

練祁塘西引吳淞江東逕吳塘又東過鹽鐵又東入城中又東抵羅店又東合馬路塘又東合月浦又東合采淘港入於海縣治西曰西練祁東曰東練祁通徐公浦者曰西小練祁於羅店東北入海老曰東小練祁橫瀝南引吳淞江北合上槎又北入城逕練祁北抵婁塘又北過雙塘又北合公塘入劉家港其東曰小橫瀝亦曰中心橫瀝入劉家港

西南境幹河

青龍江

東北通大盧浦西通白鶴江

白鶴江

南通青龍江北

入吳淞江大盧浦

西南通青龍江北經馮浦入吳淞江

儼儼浦

西南通顧會浦北經紀王

鎮入吳淞江高嵩塘

西南通虬江

盤龍江

西南通松江之浦匯塘北入吳

淞江安亭涇

西自崑山境入嘉定東南通顧浦北達錢門塘

小徐公浦

南受吳淞江水

北至西北顧涇南受吳淞江水北貫西練祁又北黃

境徐公浦顧涇會吳塘達太倉戚虞涇入劉河

渡浦北達吳淞水吳塘西北接黃渡浦北貫西練祁又

錢門塘東通吳塘西貫顧浦陸皎浦南受吳淞江水

南鹽鐵塘南通陸皎浦朱涇東通漳浦雞鳴塘西貫

吳塘又西接錢封家浜南受吳淞水貫月河新華浦

門塘東通漳浦淺江南通封家浜西通沙涇西通淺

東北達南橫涇淺江南通封家浜西通沙涇西通淺

東達南西馬陸塘西通淺江漳浦漳浦南通淺江西

橫涇西趙涇南貫石岡門塘通西石岡門塘西通漳

南橫陳涇西通漳浦東河門塘西通趙涇東

一都支河金九涇莊家浜小橫涇陶涇界涇

涇長浜唐家涇西邢渡小漳浦周

直隸太倉月志卷八水利上水道

二都支河 小漳浦 廟涇 福思涇 秦涇 任涇 小錢門塘 鄭泥

涇 顏涇 袁涇 薛涇 斜涇 孫涇 顧江門 小娘浜 黃泥

長浜 徐涇 薛涇 孫涇 顧江門 小娘浜 黃泥

阡涇 馬路涇 橫涇 黃涇 顧廟浦 墩涇 橫學涇

潭涇 湯涇 鴉涇 土地涇 王淩涇 高淩 李家涇

涇 謝涇 張

十三都支河 陸華浦 辛涇 大勝涇 界涇 斗頭涇 沙涇 歸

新涇 李家浜 黃泥涇 印巷涇 陸家浜 草

場浜 小虬江 月河江 抱龍涇 范家浜 王

浜 家

十四都支河 月河江 牛車涇 塢城涇 周涇 馬

家浜 新開河 沙洪浜 孟王浦 顧江涇 野泥浜

華浦 洪浦 道人港 蔣和涇 廟涇 張沈浦 雙

沙涇 炳家浜 黃家浜 渡頭浦 唐渡涇 姚

墩港 斗門涇 單家浜 里沙港 抄娘江 姚

涇 凌家浜 姜家浜 毛家浜 潭家浜 丁家

浜 錢家浜 陸家浜 徐婆浜 孫雅浜 李家
浜 汲子浦 長浜 滕家浜 盛家浜 萬步溝

花柳浜 七千浜

十五都支河 赤鳳浦 馮浦 窑頭浦 新開涇 金
獅子港 闕家港 周涇 朱泗浜 白

洋河 大家樓 吳家灣 開
元浦 吳涇 雙浦 浦家江

十六都支河 東泗涇 漕塘 錢涇 嚴涇 顧泗涇
周涇 羊全涇 九千浜 馬涇 占

塘 斜涇 張涇

十七都支河 蒲池涇 史家浜 周涇 彭家浜 陳
涇 菱門涇 寒涇 彭家涇 楊呂涇

細涇 小橫漚 徐家涇 石仁涇 廟涇 盛
顧涇 薛漚 菱門涇 洋涇 苗涇 徐家

港

十九都支河 桑浦 河浦 菱門塘 張岡門塘 馬
迳 荳園涇 邢浜 戚浦 殷浦

橫河 沈家浜 黃泥涇 朱市浦 赤鳳浦 胡
祁管涇 蔣涇 新河 楊呂涇 干公浦

水利上 水道 二

艾涇 顧涇 杏涇 錢涇 洩淩

二十一都支河 第二涇 第四涇 孟了浦 金家浜

花連木涇 大小橫涇 高涇 胡涇 木涇 沙涇 上潺 荷

魚秧浜 下潺 吳家浜 常熟淩 姚涇 時莊涇 葛蒲

淩 陳六涇 金浦 裴涇 南浦 姚涇 盛浜 莊涇 李公

浜 黃家江 連樹浜 桑浦 東西龔浦 趙浦 梅浦

古旱涇 戴涇 生涇 鳳凰涇 芭莊涇 乃

西北境幹河 徐公浦 自西南境小徐公 郭澤塘 東南

浦西北連崑 顧浦 詳前西南 瞿門涇 西通顧浦東貫

山境郭澤塘 詳前西南 北鹽鐵塘 南接南鹽鐵北經葛

泥涇 吳塘 詳前西南 北鹽鐵塘 隆鎮至太倉境入劉

河 小婁塘 東連婁塘 黃泥涇 南通西練祁 青岡橫涇

南西練祁公塘南通青岡橫涇東南孫浜南通婁塘

北通公塘南通練祁斜涇南通婁塘北俞項涇西通項

塘如項涇北達婁塘斜涇南通婁塘北俞項涇西通項

北橫婁塘西連小婁塘東通北野泥涇西南通北橫

北達西黃姑塘東通中心橫野泥涇西南通北橫

黃姑塘西黃姑塘東通中心橫

三都支河諸匯涇薛涇六千涇孫家浜古岡門塘

涇陳家涇唐大譚涇官路涇孟家浜吉

皇涇孫長涇大譚涇呂墅涇芙蓉涇新

清莊涇全浜宣浜東界涇馮家浜潘

邑浜王方涇界涇張涇古涇韓涇

涇錢鳴涇黃絲濃姚涇徐涇暖涇

魯涇朱涇隔潭趙涇雞鳴塘暖涇

十六都支河南山涇顧塘米篩涇西山浜邵

十七都支河毛門涇馬涇橫涇王瓚渡新

二十二都支河赤涇陸涇湖岡門塘斜涇毛祿浜

江門涇 支家浜 腰涇 新開浜 陸家浜 王
浜 盛涇 陰涼涇 川路涇 陸河涇 長涇

東北
支涇

東南境幹河 孫基港 自上海境南引吳淞江水東通

屬上海西岸屬嘉山 嘉定中槎浦又東入寶山界

抵蘆涇浦上槎浦南通孫基港中槎浦下槎浦二浦

出吳淞江上槎浦北達南橫瀝走馬塘寶山界通江灣浦

西岸屬嘉定東屬寶山 走馬塘 寶山界通江灣浦

張涇 西通南橫瀝第二塘 張涇 東馬陸塘 第二公孫

涇 東出西陽涇古墅溝 西通南橫瀝倪家浜墅溝北

出東西陽涇南通蘇姑浜東北出東練祁俞店浦南

練祁西陽涇西岸屬嘉定東岸今屬寶山 彭越浦

通虬江北出走馬塘 桃樹浦 南通虬江北 趙浦 南受吳淞江

此下幹河今隸寶山 大場浦 其水道 趙浦 南受吳淞江

南通虬江北貫葑 大場浦 其水道 趙浦 南受吳淞江

村塘達走馬塘 大場浦 其水道 趙浦 南受吳淞江

塘達走江灣浦東南受吳淞江水蘆涇浦南通吳淞

馬塘江灣浦浦界浜東南受吳淞江水葑村塘西通桃樹浦黃泥

塘東南受吳淞江水蘇姑浜南通走馬塘鵝鰲浦西通

浜東達浦缺段浦二河皆東南受吳淞蘊草浜西通

浜東至胡巷橋出沙浦西通白蕩東經楊白蕩北通

吳淞江口入海東通沙浦西通白蕩東通天生荻涇南通白蕩北

浦涇浦西通白蕩東通天生荻涇南通白蕩北

馬路塘西通東練祁東陳華浜西通馬路月浦塘南通

馬路塘西通東練祁東陳華浜西通馬路月浦塘南通

戴家浜張家浜連上二浜皆西通清浦港南通界浜

江東史家浜西通吳淞入海東入海一都支河雷墩浜姚浜唐景浜顧遷浜莊涇陳家

浜 黃泥涇 楊從泥涇 朱涇 盧浜 胡舍落

禮義塘 李枝涇 楊樹涇 蒲鞋塘 馬家涇

清水浜 學堂涇 黃

婆涇 楊崇明 菴堂涇

五都支河 李公浜 斜涇 石家浜 薛家浜 戚浦 朱涇

馬涇 毛家浜 新塘 陸祁浜 桃源塘

塘 龔溝塘 蒲淩浜 門經浜 橫

南六都支河 凌家浜 長浜 孟思浜 界涇 引盛涇 新莊浜 漲

潘涇 周家浜 總

菑涇 陳家涇 墳涇 烏涇

北六都支河 邵家浜 蘇家涇 和尚涇 長浜 界

領浜 陶浜 墳涇 寺浜 橫塘 塘匯○已上

五都南六都北六都支河今並隸寶邑

七都支河 半沙浜 觀音港 陸家浜 李家浜 屈

塘 諸家浜 張鑑浜 楊樹浜 天生淩 周升

浜 佳仁浜 吳家浜 河家浜 蔣扒浜 小吉

浦 毛長浜 張洪浜 新河 王家浜 孫家

淩 張仙浜 江申浜 三教浜 張河浜 橫浜

馬涇
沈浦洪

八都支河
周家浜
小浜
楊家浜
葉家浜
廟港
黃家

浜
顧家浜
袁家浜
官浜
奪浜
新港
許家

浜
黃澹港
小洋浜
鰻鯉洪
護塘港
徐通

溝
常明浜
架季浜
鄭家浜
羊錦溝
瞿家

溝
右江瀆
落水溝
鰕魚灣
運鹽河

洪
白條浦

楊家窪

九都支河
小吉浦
謝塘
沈巷浜
高境塘
孟涇
河家

塘
元長浜
謝塘
東浦
新涇
肇家浜
黃泥

塘
界洪
淺洞
陳家浜
斜

十都支河
磚窰浜
潘家浜
犁轅浜
時家浜
彭越

洪
姚村塘
趙家浜
深浦
孫家浜
盛涇
川

洪
俞家港
毛家浜
大周涇
橫浜
新浜
小場浦

千步涇
王家浜
黃泥塘
湘馬塘
姚家浜
崇明塘
頭婆

針塘
小塘浦
界涇
蔣華塘

溝
陳祁洪
已上七都起至

十都止
各支河
今並隸寶邑

十一都支河

大長浜 南北浦 秦公浦 王家浜 大頭浜
小場浦 秦公浦 廟涇 道院浜 姚家浜

沈浦 舍浦 蘇家浜 塘灣 盛涇 薛家浜 陸家浜

涇 朱家浜 夏長浦 鴉鵲浜 俞涇 彭越洪

毛家浜 金家浜 王明港 西橫江 高在

蔡家浜 小涇浜 西彌浦 絲弦浜 陳家浜

馬蟻浜 童家浜 莊家浜 楊麻浜 七千浜

小虬浜 趙家浜 犁轅浜 時家浜 新開浜

金雞浜 花家浜 張家浜 自小場浦 以下今隸

邑寶

十二都支河

和尚塘 曹家灣 袁家浜 花園浜
夾港 華漕 白池 弔浦 柴場浜

第一涇 滑家浜 第一涇 陳家浜 羅涇 蘊草稍 新涇

第二涇 長浜 青華浦 秦公浦 蘊草稍

黃泥涇 唐家浜 瑞龍浜 大頭浜

胡家浜 橫浜 厥頭河 李家浜

東北境幹河

斜涇 南通橫涇 北連譚涇 新涇 南通東練
北連橫涇 西出新涇 南北張茜

涇出石家 譚涇 南通雙塘 漲茜涇 東通新涇 西殷涇

塘入劉河 北通雙塘 漲茜涇 東通新涇 西殷涇

塘西通北橫雙塘西南通北橫東黃姑塘西通

東通石家塘南接新河華亭涇南通東蒲萃塘

同大理港北出墅溝入劉河墅溝南通大理港界涇

南通東綽北達墅溝入劉河黃白涇西通界涇

○西岸屬嘉北達墅溝入劉河黃白山西通界涇

嶺塘川沙港西南通黃白小川沙港南通川沙陸和

塘西通川沙黃姚塘西南通黃白五嶽塘同徐澤塘

西南通五嶽施家港西通黃白顧逕港西通黃白

四都支河孫穰塘蓬蒿浜新漕涇毛家塘張

家塘黃泥涇徐家浜謝墓浜田浜辛塘

印巷涇孫浜狄家塘陳家渡雙廟塘殷

汪宣塘小新涇小石塘姚家浜高家浜

蕭浜譚家浜邵黃涇顧村浜湛浜張家塘扎步涇

五斗涇 洋漕 杜溝 薛溝 小界涇 河界

涇 馬涇塘 顧涇稍 王呂涇 嚴村涇 老鴉

二十三都支河 荳蒲塘 千步涇 張浦塘 謝家涇

塘 殷涇塘 蕭錢渡 廟浜 蕭涇 界

二十四都支河 殷岡門塘 外橫

二十六都支河 黃泥涇 徐巷塘 茜姑塘 菖蒲塘

界涇 冰飲塘 范家溝 廟涇 吉涇 長涇 橫涇

二十七都支河 小雙塘 廟堂涇 陸遠涇 靡長

灰白樓 龍開樓 斜涇 吉涇 腰涇 新涇 界

注河涇 橫塘 野人

程國棟志說略嘉定湖海高亢絕無河漢澤蕩蓋斥鹵之區也潮汐所通泥沙易淤雖港浦羅錯開鑿並

由人功昔人謂十歲不浚境內悉成平陸已灼見地
形洞悉人事矣茲區爲四境從源達流有蓄有洩興
利去害於是乎在楊志謂支河昔有三千餘條今湮
其半姑識可名者百有奇韓志增至二百有七十趙
志又增至九百然猶有可疑蓋水道之不通非一朝
夕之故矣今嘉寶分治或專或成尤宜清晰故條例
幹支諸河其分隸寶邑者亦詳註焉誠使官謹規畫
民勤疏導引江河之水滿蓄全境則浸淫濡潤安在
不使沙瘠爲膏腴也哉

寶山縣

城中水西南引沙浦水西北引桂港水入城又環濠與
東北絲綢巷合東通秀才港今堵塞並護城塘分流
虬江在吳淞江西北亦名舊江西接孫基港東入縣界
又東抵蘆涇浦入吳淞江

黃浦江亦名東江西受杭嘉湖諸郡之水東合吳淞江

直隸太倉州志

卷十八

水利上

水道

五

至縣境入海

出海各河曰墅溝曰大川沙曰練祁其領帑堵塞海口以截鹽潮者曰金家塘曰六和塘曰黃姚港曰大理港曰五岳塘曰絲綢港其民力堵塞鹽潮者曰閘港曰梁港曰吳家浜曰秀才港曰月浦塘曰牛頭涇曰徐澤塘曰界河口其坍入海者曰顧逕港

出黃浦各河曰蘊藻浜曰浦缺曰錢家浜曰虬江口其堵塞者曰中港曰沈浦浜曰段浦

出虬江入吳淞江者曰彭越浦曰俞涇浦曰木瀆港

黃浦東幹河

界浜口

袁家浜

南黃童

北黃童

張家浜

楊家浜

灘港

張家浜渡口

高家浜

史家浜

以上皆西通黃浦東出海處皆堵塞

沿塘內開河通貫其支河則有周家浜葉家浜黃家港真

洪腰洪朱家浜宋家浜小洋浜鰻鯉浜官浜護塘浜

川新港黃潼浜梁季浜鄒家浜許家浜

常明浜落水溝銀魚浜羊錦溝徐通浜

右江凌楊家窪白條浦以上並由幹河以達於黃

浦在八都界

西南境幹河孫基港下桂浦俞店浦走馬塘

彭越浦趙浦江灣浦蘆藻浜鵝鰲浜蘆

浦缺黃泥塘錢家浜虬江沙涇

西南境支河七都半沙浜觀音港嚴涇陸家浜李

塘佳仁浜諸家浜張鑑浜楊樹浜沙頭

灣小吉浦吳家浜河涇浜天生樓周升

直隸太倉州志

卷十八

水利上

水道

三

九

係浦 張河浜 沈浦浜 橫浜 白
都 謝浦 東浦 斜塘 新涇 高境塘 孟涇 何家浜
九 都 謝浦 東浦 斜塘 新涇 高境塘 孟涇 何家浜 元長

十

都 磚窑浜 潘家浜 犁圍浜 時家浜 雙浦
塘 趙家浜 深浦 橫浜 盛涇 彭越洪 姚村
港 毛家浜 大周涇 小場浦 千步浦 斜塘 王家
浜 黃泥塘 湘馬塘 崇明塘 新浜 斜塘 陳
小塘浦 界涇 蔣華塘 姚家浜 頑婆溝 陳

洪祁

十一

都 舍浦 秦公浦 周家浜 姚家浜 沈浦
家 蘇家涇 塘灣 盛涇 薛家浜 陸家浜 盧涇 朱
界 夏長浦 彭越洪 毛家浜 薛家浜 金家浜 絲王
明港 高涇 蔡家浜 小涇浜 西彌浦 楊麻
浜 陳家浜 馬蟻浜 童家浜 莊家浜 楊麻
家 七千浜 小虬江 趙家浜 犁國浜 金雞浜 時

十二都 和尙浜 曹家灣 袁家浜 花園浜 夾港

第一涇 長浜 第二涇 羅涇 新涇 青華浜

秦公浜 溫藻稍 黃泥涇 唐家浜 胡家浜

西境幹河 泗塘 馬路塘 陳華浜 馬涇 渭浦

西境支河 南六都 凌家浜 良浜 孟思浜 黃花渡 新

莊浜 漲黃浜 墳涇 陳家浜 界涇 瞿

北六都 邵家浜 蘇家涇 周家浜 總領浜 長浜 界涇

錢村 廟涇 寺浜 橫塘 和尙涇 橫塘 慈溝

西北境幹河 綵綯港 練祁港 黃姚港 墅溝 月

徐澤塘 謝家浜 顧逕港 施家港 界河 橫塘

西北境支河 四都 譚家浜 張家塘 蕭涇 顧村浜 菴

直隸太倉州志

卷十八

水利上

才

三

基浜

界河港

薛溝

札步涇

小界涇

五斗涇

河界涇

毛家塘

馬涇塘

洋

登雲浜

耿富浜

廟浜

嚴村浜

段涇

老

威浦

朱涇

謝

毛

五都

李公浜

薛家浜

陸祁浜

石家浜

桃源塘

龔溝塘

毛

謝

毛

家浜

新塘

橫涇

廟

廟

廟

廟

廟

廟

廟

二十四都

殷岡門塘

外橫瀝

外橫瀝

外橫瀝

外橫瀝

外橫瀝

外橫瀝

外橫瀝

外橫瀝

崇明縣

外橫瀝

外橫瀝

外橫瀝

外橫瀝

外橫瀝

外橫瀝

外橫瀝

外橫瀝

城中水自縣治南亘東西者曰中橫河南曰南沿轉河

北曰北沿轉河東曰東沿轉河西則有二一曰西沿南

段轉河一曰西沿北段轉河

內地支河

青龍港

在城外東南知縣蔣季誠以

楊家

學宮風水攸關親督開濬

楊家

楊家

楊家

楊家

楊家

河

縣東

六條

豎河

皆在縣治東

天仙河

縣東

大

道

道

道

河縣東三十里太常河縣東四十里惠民河縣東四十里富民河縣東

四十里九曲港在楊家河南蟠龍鎮河距城二十里舊河縣東

北十渡船港縣治西北季門子港縣治西北小界溝縣治東深水

港一在東阜沙小豎河縣西北二十里又珍港距城四十里樓子

廟港距城四十里小洪築文成霸西門港在西關外利民河陳漢凡

沿海幹河 施剗河縣西彭蘭港一名鵬斜洪一名北斜

洪俱縣顧四房溝前明崇禎十五年把總王蔣六洪

治南縣東三新開河縣東三第三條港河東蒲沙套港

盤船洪 當沙頭港在堡鯉魚港 朝日港亦名

洞頭激至五激在箱沙六激在陳六狀聯福沙 朱

華港縣西袁鹿港縣西爛沙套港縣西十二圓港縣西高橋洪

縣運河西縣雙港十里北縣便民河二十里北縣界牌港十里北縣白

淪港縣東北十二里張網港十五里北縣沙溝二十里北縣挑皮港東縣

北三里天分北縣東新豎河三沙洪小漾東青

龍港西青龍港邢港縣東北三十里張漲港縣東北四

太平豎河縣西北三

按太鎮嘉寶雖皆濱海而圍塘築隄田有定界故著支幹河於各都之下以表宣泄灌溉之利崇明則以一丸泥當江海之衝不常厥邑城已五遷沙田海岸攤漲非一治水之法築圩墾闢分析疆界各開民溝由是而港而河而放乎海而舊制報沙撥沙例存河基若千畝照內地水道並不創存河基而舊河淤漲積土也其後報沙撥沙既不創存河基而舊河淤漲積土成田吏得因緣為奸侵牟之苦甚於私田民不勝其擾願同新漲報撥而河身遂狹水利不通矣故治崇明之水與他邑異務使河身不混於漲沙則灌溉之利不絕而報沙必留其餘地則賦漕之功可施此水道之所以尤宜急講者也

洋面

州境自七鴉口出海爲崇明崇明四圍皆海而有內洋外洋之別內洋以外洋爲東外洋以內洋爲西故志洋面與封域異內外兩洋各紀三面而已足先紀銅沙以立內外之準而內洋之界訖可辨

銅沙在崇明縣治東約二百里沙南北袤百餘里東西廣三之一江水至此而弱鹹潮勢強自此而西爲內洋其東爲外洋

內洋之在西者直西抵長江口而崇境所到則自北岸通州之新漲小沙南岸昭文之錢涇口爲最西矣

內洋之在南者自七鴉口並岸而東爲新塘口爲丁涇

口爲劉家港口爲小川沙大川沙口爲司港口爲米
陶港口爲吳淞江口稍折而東北爲高家嘴皆與崇
明對岸其中洋面則視南岸海口所屬之縣與崇劃
分中流爲界

內洋之在北者自通州新漲小沙迤東爲戲臺沙爲大
安沙亦與崇明對岸其洋面亦中流劃界北爲通州
南則崇明按內洋爲江流入海之道崇明雖居海中
實則環邑而流者西受長江南受震澤其水皆色清
而味淡故可立城郭種稻麥至銅沙則皆鹹潮矣
外洋之近南者自高家嘴迤東爲大勒口稍東南爲金
山又東過浙江之立人葫蘆遮堂塌餅諸山之北又

東南至大羊山又東北爲了髻山又東爲貢又東至馬蹟山皆崇境也其大羊了髻徐貢諸山之南則屬浙江

外洋之近北者自通州廖角嘴東南至余山又東爲鷄骨山又東爲大七山又東爲北丁興又東至馬蹟山北之金鷄山皆崇境也諸山之北則屬通州

外洋之近東者直東至日本國而崇境所到則自銅沙而東六百餘里至馬蹟山踰山至東麓爲崇境又東屬浙江

按馬蹟山南有黃龍梅子二山向以江浙交界未定專屬間有商船遭風浪或亡失財物者無所告訴乾隆四十八年提鎮等衙門勒碑於馬蹟山以黃龍梅子專責浙省管轄并令馬蹟山以南諸海島皆歸浙直隸太倉州志

省而洋面始有定界

知州鰲圖按洋而亦水道也內洋以江口漲沙為識別者內洋雖有去岸遠近之殊而江口漲沙有人民聚落南北兩岸大都皆民田故與內地水道猶不甚異至外洋則以山為表者山麓不無漲沙然而灘漲不常未可指據必望山為標識乃可以信今而傳後舊志不列洋面予以崇為州屬邑崇境皆州境也洋面距邑遠者至七八百里去州且千里其中海島紛峙吾州屬之行貨於海道者咸往來出入於其間而可牧者或慢不加察豈為民父母之意哉因於行縣時親至海口訪之識海道者盡得其曲折以歸旋取營汛所繪之圖目營手畫辨其方位論其訛誤又參崇邑詳案之有涉於洋面者互相考核而洋面始有確然可據之界因附識於此

海潮

海潮一日夜兩至唐世可至蘇州府城

見唐元稹白居易詩及宋

時不及崑山紹興中始至縣郭已而遂過唯

宋有潮至唯亭

出狀元州境及屬邑水道無不受潮海區最秋泛蓋

之諺 七八月間正禾稻成熟木棉繁結之時如遇東北風挾雨助潮爲患尤劇云張寅海潮論略云海潮之入南至劉家港逕崑山達信義鄉北則七鴉港逕任陽西之石牌灣逆流過斜堰入巴城此潮汐之大者也其分注各河亦二港之水爲多潮汐時候不一每半月省潮一次以應月虧盈故月大則五十八潮月小則五十六潮余襄公安道曰月所臨則水注從之日月右轉而天左轉一日一周臨於四極故月臨卯酉則水漲東西月臨子午則潮平南北彼竭此盈皆係於月春夏晝潮常大秋冬夜潮常大蓋春爲陽中秋爲陰中歲之有春秋猶月

之有朔望也故潮之極漲在春秋之中潮之極大在朔望之後此天地之常數也

按自州境至崇明海水清駛蓋上承西來諸水奔騰宣洩名雖爲海而實江水故味淡不可以煮鹽而可以灌田至鹹潮所浸灌則不宜於耕牧而宜於煮鹽濱海之地潮有江海之分水有鹹淡之別如寶山之堵塞海口因爲鹹潮起見至崇明則諸沙之在南者與楊子江白茅塘吳淞黃浦諸江銜接其水江多而海少故民得以資灌種至新竈永寧諸沙而北鹹潮浸灌半屬不毛此則堵禦隄防之不可少矣儒者每談穿渠溉田之利謂海濱不憂乾涸豈知古人引水灌田皆江淮河漢之利而非可施之於鹹潮故於海潮後更附鹹潮利害以著海濱居民之疾苦而並使後人知江流入海之口塞則鹹潮將爲害於並海之民而疏濬寧可以不急哉